


「至正」金陵新志

二十



金陵新志卷之十三上

人物志總叙

自古國家之興曷嘗不求賢審官君臣同德以
躋隆平之治乎以堯舜禹湯文武周公之聖也
而皆有所承事師友周之興也尤致意於疏附
先後奔走禦侮之臣詩曰思皇多士生此王國
言周之將興而致多士之生於國也又曰王國
克生維周之楨言人才衆多足爲國之楨幹則
聖如文王亦賴之以爲安矣陵夷至於幽厲棄

大志一

金陵新志卷之十三上

何君佐

賢用佞朝無柱石之臣而野有白駒之刺王綱
由是解紐而霸者興焉春秋之世大國莫如齊
晉及楚傳稱惟楚有才晉實用之然亦有自晉
奔楚而爲之用者賢才之生於世猶竒珍異寶
之並產於山林川澤夫豈有華夷遠近之間哉
漢承秦暴起匹夫而有天下其王之五年蹙項
籍烏江遂有江東代設侯王牧守以撫柔其民
行事較可徵考及魏吳分裂天下之民熟爛大
壞優於秦項然孫氏三世據有江東踰六十年




其始也任賢使能而興也勃焉其終也親小人
遠賢士而亡也忽焉觀孫皓與其臣何禎責已
之言所謂噬臍之泣蓋無及矣由吳而上本之
生民有國之始由吳而下極於五代宋唐之終
要其治亂廢興之故同歸一揆而其精神遇合
蓋亦粲然可觀今因前志輯錄周漢以來人物
總其游宦封爵於斯可以考見其世家者通具
爲譜而復掇其行事之著於耳目關於治化者
列而傳之一曰孝悌二曰節義三曰忠勲四曰

治行五曰儒林六曰隱逸七曰耆舊八曰仙釋
九曰方伎十曰列女於以觀風教而徵世變君
子其將取節於斯乎嗚呼天之生斯人也非直
使之飽食煖衣逸居恣睢於羣動之間而已子
焉必父其父臣焉必君其君妻焉必夫其夫民
焉必事其事反是則爲刑戮之民而人極有不
建矣司載籍者雖欲勿志惡得而勿志惟其事
之有詳畧辭之有繁簡時有遠近聞見異焉夫
子所謂吾猶及史之闕文者若夫微顯闡幽由

一郡之史以集大成其將有所俟於君子乎
人物志

金陵府志卷十三上



金陵府志卷十三上
金陵府志卷十三上
金陵府志卷十三上

世譜 古帝有雲陽居雲陽高辛時展上公夏禹皆嘗游此今不及載自周以來著之

周 姬姓

郡姓

言偃

游宦

范蠡

左伯桃

羊角哀

伍子胥

封爵

吳伯爵

號勾吳太伯後

越子爵

號於越夏禹後

金匱新志卷十三

四

楚子爵

祝融後熊繹始封在江陵枝江之丹陽城越後有江東地

春秋時三國皆僭稱王

西漢

劉氏

郡姓

游宦

秦始皇與群臣巡游過此又有周太賓姜叔茂隱茅山今不及載

魏相

何武

黃霸

梅福

封爵

劉敢丹陽侯

劉纒秣陵侯

劉欽溧陽侯 劉畢溧陽侯

東漢

劉氏

郡姓

陶謙 子商應

李南

抗徐

張磐

游宦

史崇

子顥孫茅曾孫洽玄
孫澤澤子鉉鉉子藻

嚴光

潘乾

李忠

鮑永

小四十六

金陵新志卷十三上

五

方

張禹

張馴

韓演

滕撫

馮緄

觀恂

周昕

諸葛亮

蔡邕

董永

蔣子文

王祥

言之後弟覽
孫俊從孫導

封爵

史崇至澤世為溧陽侯

陶謙溧陽侯

吳 孫氏

郡姓

史嵩

史懿

史爽

史韶

陶基

朱治

施績

何洪

紀亮

芮祉

唐固

刁玄

戴顯

六文十六
小九十一

金陵新志卷十三上

六

方

游宦

宗室瑜

伯堅父
弟皎子
胤靜

賁

叔堅父
子鄰
孫震

松

父翊

登

大帝
長子

和

登弟

張昭

子承休
姪奮

顧雍

子邵裕孫
譚承弟
徽

顧悌

子彥禮謙
祕子衆
祕

諸葛瑾

子恪

周瑜

子循胤
姪峻
子護

魯肅

呂蒙

呂岱

程普

黃蓋

甘寧

曾孫卓

呂範 子據

虞翻 子記

吳範

劉惔

葛衝

曹不興

陸績

陸遜

陸凱

周魴

是儀

丁固

韋昭

張悌

趙達

皇象

孟宗

盛彥

狀元

全良

七

張紘

嚴峻

薛綜

凌操

徐盛

潘璋

丁奉

朱桓

朱據

陳表

全琮

鍾離牧

潘濬

胡綜

徐詳

吳景

謝承

華融

子崇

子諝

子熊損

父武子敦

父柔

子益

子翥

子冲

子奮

子纂

劉基

父縣弟

鄭禮

子胃

留贊

子畧平

賀邵

祖齊父景

孫邵

步騭

子協

闕澤

韓當

蔣欽

馬普

程秉

徵崇

謝景

范慎

羊銜

吾粲

張

屈晃

子緒弟幹恭

不仕

金陵新志卷一三二

八

傳

陳正

陳象

徐原

滕胤

王蕃

樓玄

華覈

周昭

陳化

謝淵

徐平

聶友

李衡

張儼

沈瑩

諸葛靚

子恢

石偉

蔡珪

葛系 子悌

桓昇 兄階

封爵

孫胤丹陽侯

潘璋溧陽侯

張昭婁侯

韓當石城侯

芮玄溧陽侯

何蔣溧陽侯

晉

司馬氏

郡姓

史楚史晃史璜史隱史淵史諒史琬史陵史援史光史雅史輝史疇史憲

史

金陵新志卷一至

九

修

陶威 父璜弟淑

陶湮 父濬弟猷

陶回 父抗子汪

紀瞻 父騰友鑒

薛無 父瑩子顯

張闓 子混

許邁 祖尚父副

王諒

樂道融

甘卓 祖述父昌子蕃

葛洪 父悌

陸機 父抗弟雲

陸喜 父瑁

陸曄 父英伯父喜機

陸玩 兄曄子納

華譚 父諤子化茂

虞潭 父忠子佺姪駿

丁潭 祖固父彌

賀循 子隰

顧榮 祖雍 子毗

顧衆 榮族弟 父秘 子昌會

顧和 衆族子 祖相子淳 祖密

周處 父飭子玘 總彛懋 廷贊縉 孫札孫

干寶 父瑩 諸葛恢 祖誕父觀 兄願子繼 甜

游宦 晉都江左迄宋齊梁陳幾三百年中 原人士游宦者後皆土著為郡人矣

王導 子悅恬洽協劭 孫少治子珣珉 孫泰半協子謐孫權球琇珣子弘 孫恢穆子智超默子鑿惠薈子廡

王虞 孫茂敬弘 虞柳孺曇首珉子 胡練從兄含敦 胡之

王彬 從兄澄導 孫越之臨之 遂侃子彭之彪之

王舒 導從弟子晏之允之 孫崑之陋之晞之曾孫肇之

王稜 導從弟祖覽 父琛伯會正 王弘之 導之孫 兄鎮之

王羲之 導從子祖正 父曠子玄之凝之 徽之操之獻之孫禎之靜之從

王琨 父導之孫華從 王渾 從子澄 子濟 冠為江左第一

世居烏衣巷衣 彦琛皆覽之子丞相導即裁之子 相肇夏馥烈芬皆祥之子裁基會

宗室承 子無忌 楚之 兄休之

王濬 子鑿濤 唐彬

孫戴 孫恬

孫戴 孫恬

孫戴 孫恬

孫戴 孫恬

金陵新志卷之三 三十一

周浚

子顯嵩謨

周馥

從兄浚

謝鯤

子尚孫康

謝安

尚從弟子

謝奕

尚從弟玄

謝玄

孫該謨澹

謝萬

安弟子韶兄子朗

謝邈

石弟鐵之子

謝石

萬弟子汪

謝邈

石弟鐵之子

謝琰

父安肇峻混

王承

父湛子述之

王坦之

子愷忱

陶侃

曾孫潛

山簡

父濤

衛玠

祖瓘

鄧攸

弟子綏

周訪

子撫光

大六十一

金陵新志卷十三上

十一

卷

顏含

子髦謙約

應詹

祖瑒

劉波

父隗

劉劭

隗從孫

范廣

弟稚子汪孫康

華恒

父廙子俊

二

父統弟博

劉眈

子柳

何充

弟準姪放愔澄

孔愉

子閻汪安國

江道

子蔚姪頌

徐邈

弟廣豁浩

王雅

子準之協之後

杜夷

兄崧弟撰

孔衍

孔子二十二世孫

杜夷

子晏姪楷

高悝 子崧 庾闡 子肅之

李充 父矩子顯 伏滔 子系之

胡母輔之 畢卓

陳訓 戴洋

郭璞 子鷲 温嶠 父愔兄羨之式之

劉惔 范堅 子兄廣

杜乂 父預 褚翼 哀從兄

褚裒 父洽子歆孫爽之喻之

王濛 曾祖黯子恭爽 王遐 子恪孫欣之歡之

百廿五

金陵新志卷一三二

十二

王嶠 祖默族父承 卞壺 孫誕 瞻 盱 瞻 眈

羊曼 子相祐 阮孚 父咸

郗鑒 子愔曇 郗超 父愔弟融

庾亮 父深子彬義 蘇

庾冰 七子希襲友 蘊 倩 邈 柔

庾翼 子愛之 孫盛 祖楚父恂

戴淵 父昌弟邈 王隱

桓彝 子温雲 桓温 子玄

桓豁 子二石民孫 誕 洪 各 石 虔

景

族兄宣弟不鍾雅子誕

劉超

子納

蔡謨

子邵系

吳隱之

子曠之

顧悅之

子愷之

阮放

字族人

阮裕

兄放子普

表瓌

弟猷子喬孫宏子朗子

表準

瓌族人子冲孫眺

朱序

父燾

魯勝

郭文

荀邃

祖勗父汪

荀組

兄落

荀崧

曾祖或父頽子

金陵新志卷一三三

孫綽

父楚兄統子嗣

刁協

子彛

韓階

武延

桓雄

許儒

祖勗

陳頽

毛寶

子穆之孫瓌球瑾

光逸

桓宣

族兄景

張憑

傅敷

父咸

夏侯承

伯湛

羊曇

殷浩

父承

周導

宋 何謙

戴遠

李式父重

虞敷父溥

徒 謝沈

習辟疆父鑿齒

車胤

何無忌

檀憑之

孟昶

殷覲

劉鯈

范輯父宣

曹毗

羅含

郭澄之

辛恭靖

羅企生弟遵生

大 註

金陵新志卷一三二

古

孔祗兄愉

孔群從兄愉子沈之

孔坦祖冲父侃 愉從子弟嚴

嵇翰從祖紹 孫曠

楊方

王慧龍祖愉 父緝

張禕

阮韶之

朱綽

毛璩祖寶

毛安之父寶子潭 泰遠道

扈謙

封爵

戴淵秣陵侯

王俊永世侯

宋 劉氏

郡姓 游宦附

宗室義慶

宏

懷肅

懷慎

弟亮 子榮 祖

王弘

曾祖導 孫思遠 曾孫融 孫瞻

王微

伯父弘 父孺 兄遠 弟謙 從子僧姑

王華

王僧達

王曇首

兄弘 子僧綽 孫儉 曾孫騫 曠

王僧虔

兄僧綽 子志彬 筠

王惠

曾祖導

王球

父謚從 子彧 孫蘊

小姓

金陵新志卷十三上

五

王銓

或兄子份 之孫 弟錫 僉勸固

王裕之

曾祖虞 子嶺 之孫秀 之延 曾孫綸 之峻 玄孫昕

王悅之

祖獻之

王淮之

曾祖彪 之玄孫猛 從弟遠 之珪 之

王鎮之

裕之 從祖弟自王弘 以下皆丞相導之族

謝瞻

曾祖袁 從父純 從叔澹 弟晦

謝璟

子微

謝靈運

祖玄 子超 宗 孫幾 卿

謝述

兄裕 子緯 孫眺

謝方明

子惠 連

謝超宗

謝蘭

八世祖安 子貞

謝密

曾祖萬 子莊 孫肅 顯 濬 曾孫諫 覽 舉 玄孫 敬 儵 自瞻 以下皆安之族

沈演之

高祖克

沈慶之

子文叔 孫昭明昭略

沈攸之

慶之從兄 子孫僧昭

沈懷文

祖寂從兄 弟懷遠子淡深

沈淵子

弟田子林子慶子子正姪煥亮 邵璞伯玉自演之以下並出吳

陸脩靜

興武

陸脩靜

父琳

朱齡石

父綽 弟超石

司馬筠

子壽

司馬爽

子聚

司馬嵩

子延義

傅和之

曾祖咸子 淡孫昭映

傅迪

高祖咸 族子隆

賀瑒

曾祖脩祖道方伯道養 父瑒子華季厓琛

顧琛

曾祖和

顧協

和六世孫

八十八

金陵新志卷十三

十六

吳晉年

朱脩之

祖序

劉敬宣

父牢之

范泰

父驛子華 族人璩

范雲

范縝

范胥

孔靖

祖愉

孔靈符

姪琇之

孔琳之

子邈

殷景仁

從弟淳 涇係臻

蔡廓

曾祖謨子興宗 孫順約搏搏孫凝

張裕

魯祖澄子演鏡 姪孫緒充 孫冲 弟邵

張暢

父緯叔邵 子融

羊欣

弟徽

羊玄保

姪崇

殷孝祖

曾祖羨

江夷子湛從子智深曾孫敷

荀伯子祖羨 徐豁父邈

劉康祖父虔之伯 劉簡之子道產

劉穆之姪秀之 徐孝嗣父羨

毛惠素 王玄謨從弟玄邈

蒯恩 向靖

孟懷玉弟龍符 孟倫之

蕭惠話子惠基惠開孫眎素洽介

劉彥之子元度仲度曾孫沆漑洽

金陵新志卷十三上 十七 吳景年

垣護之弟詢之從子崇祖榮祖

張興世 鄭鮮之

裴松之子駟孫昭明 何承天曾孫憺

顧凱之姪愿 柳元景弟慶遠

劉勔子俊繪瑱孫孺覽遵孝綽潛

吳喜 劉藻六世祖

王褒 劉昶

徐謩兄文伯 庾仲遠高祖水弟道

庾沙彌子水持之後 顧憲之父覲

丘巨源

王智深

劉昭

九世祖寔伯父彤子縉緩

阮彥之

子孝緒

周韶

阮韜

徐湛之

臧質

魯爽

弟秀

朱循之

顏師伯

周朗

雷次宗

子肅之

周續之

兄子景遠

檀道濟

鮑照

何尚之

克之後子偃孫載求點胤曾孫撰姪孫炯

金陵新志卷十三

吳郡

何昌寓

尚之弟子敬容

張永

陸徽

子呆照孫單

江秉之

道之孫

薛安都

劉凝之

戴法興

阮佃夫

孔顛

孔翁歸

孔廣

孔逵

孔淳之

弟默

孔嗣之

皆魯國人居山陰

宗越

譚金

童太一

黃回

鄧琬

劉胡

臧燾

弟燾曾孫寅嚴未甄
玄孫盾厥

袁淑

父豹兄子顓
宗人廓之

袁豸

淑從孫

袁粲

子最

袁昂

父顓子昂正敬必
孫樞憲

顏延之

曾祖含
子竣測

胡藩

王仲德

夏侯恭叔

莫嗣祖

申恬

傅弘之

斐景仁

劉鍾

虞丘進

大小

金陵新志卷十三

十九

吳郡

丘仲起

吉翰

徐道度

子嗣伯文伯
孫雄

虞騫

江避

范懷約

謝善飭

韋仲

江邃之

宗慤

從子夫

庾華

姪杲之

孫謙

虞通之

虞龢

司馬憲

袁仲明

祖冲之

曾祖台之
子暄之孫皓

卜天與

父祖子伯宗
伯興

張弘之

朱道欽

陳滿

何子平

吳慶之

戴顓父達

蔡薈

沈麟士

山謙之

虞愿

孫詵

吳苞

封爵

齊

蕭氏

郡姓

游宦附

小九十一
大五十九

金陵新志卷一三二

二

宗室道度

太祖兄以
鈞為後

道生

太祖次兄子鳳鸞鸞即明帝鳳子
遙光遙欣遙昌遙欣子幾

緬

慧基

父思話子洽
孫介從孫琛

嶷

子子恪子範子顯子序愷子雲子暉子範子
滂確乾子顯子序愷子雲子暉子特

赤斧

子穎胃穎達

映

晃

畢

鋒

鑑

鏗

子良

孫貴

子隆

子罕

劉係宗

劉懷慰

父懷珍子霽
沓歎從子詩

劉瓛

六世祖悛兄璉弟璉
從弟驥從子顯毅

劉善明

懷珍族弟兄法護
從弟僧副

劉元明

劉玄明

劉渢

弟濂

劉休

劉祥

陶弘景

祖隆父貞
姪松喬

劉靈哲

父懷珍
從叔峻

陶季直

祖愨祖
父景仁

蕭坦之

蕭贊

蕭誕

蕭懿

父順之弟衍即
梁武帝

卷之三

金陵新志卷之三

三十一

矣

蕭文琰

紀僧真

弟僧猛

李安民

子元履

李珪之

曹世宗

父武

周山圖

周盤龍

子奉叔

周顥

七世祖顥子捨孫弘
正弘讓弘直曾孫璉

周洽

王廣之

子珍國

王湛

高祖雅
從叔摛

王慈

王擒

王沈

王斌

王洪軌

王敬則

王玄載

崔祖思

叔父昇真子元祖

崔慰祖

蘇侃

明僧紹

兄僧暲弟慶符

明山賓

父僧暲元子震克讓

元琳

仲璋

孔休源

八世祖冲子雲章

孔暹

孔琇之

何佟之

高祖暉

何憲

張瓌

弟盾卷子率

張敬兒

王肅

丞相導之後父奐

顏見遠

含六世孫子儀之推子協

沈文季

兄子昭略

沈憲

小六九
大半二

金陵新志卷十三上

二十三

天

柳世隆

子悅悛悛子惺悛

柳叔夜

褚球

裒之後

褚淵

裒玄孫子貴孫向曾孫翔

褚澄

兄淵從弟炤焄子澹澹孫玠

褚伯玉

鍾岏

弟嶸嶼

蕭懷

沈瑀

子續

房叔安

戴僧靜

桓康

焦度

虞棕

虞玩之

崔惠景

陸澄

陸慧曉

高祖玩子僚任備孫繕緬曾孫賢

陸閑

慧曉兄子子惡絳完襄孫雲公曾孫瓊琰瑜介玄孫從典

蔡仲熊

蔡約

蔡道恭

子僧認

江重

江洪

江泌

有二父亮之

丘國賓

丘師施

丘靈鞠

子遲從孫仲孚

丘冠先

子雄

丘令楷

杜驥

杜栖

杜京產

大分十五

金陵新志卷十三

二十一

久

甄匡

傅琰

父僧祐子翽孫岐

范述魯

檀超

叔父道鸞

卞彬

壺之後

江柔之

車僧朗

魯康祚

樂預

兄頤之

顧歡

顧昌衍

呂國

賈淵

祖弼之父匪之

薛淵

裴叔業

裴昭明

宗測

臧榮緒

徐伯珍

邵榮興

吳達之

封爵

梁蕭氏

郡姓游宦附

宗室景

子勵勸勗弟昱

懿

武帝兄子業孫孝儼

敷

象

父融

秀

子推

偉

子恪恭孫靜

恢

子脩該孫嗣

憺

子映暉

金陵新志卷之三十一

二十四 吳若祥人

績

子义理

璿

父綸

撫

祗

父偉子放

泰

父恢

慨

祖恢

圓肅

父紀

大圜

簡文帝子

哀太子大器

簡文帝子

忠烈世子方等

元帝子

紀少瑜

陶子鏘

父延兄尚

丁咸序

張松

張惠紹

子登

張弘策

子緬續綰

張崖

張譏

鄭紹叔

鄭灼

馮道根

夏侯詳

子直

康絢

馬仙理

韋叡

子放 孫載

裴邃

平之 禮之 平之 高

任昉

裴政

祖邃

任孝恭

馬樞

江淹

江子一

七世祖 統

江革

父柔之弟 觀 子德藻 孫椿 兼

張稷

兄瓌 子嶸 畢

孔稚珪

孔僉

小字六

金陵新志卷十三上

二十五

吳昌年

孔子祛

王僧孺

魯祖 雅

王神念

子僧辯 孫頌

王僧辯

子頌 頌

王茂

王琳

王子雲

王操

徐勉

徐摛

子陵 孫儉 儀

徐之才

祖文伯 父雄 弟之範 子林 同鄉

徐夔

徐伯陽

許懋

子亨 五世祖 諱

殷鈞

五世祖 仲 堪

殷芸

范岫

高祖 宣

范雲

六世祖 汪 從 兄 子 晉

鮑幾

子泉孫儉

鮑宏

父幾

鮑行卿

王褒

高祖儉祖壽父規孫方慶

羊侃

子鯤

羊鴉仁

兄子海珍

陰子春

陰鏗

庾信

父肩吾

庾黔婁

弟於陵

庾丹

庾域

子與

明克讓

父山賓

沈約

父璞子旋趨

沈顛

叔祖演之

沈浚

祖憲演之族人

沈峻

子文阿

沈德威

沈恪

江泌

柳敬禮

祖慶遠

柳琰

柳玢

祖悛

柳遐

從祖元景父季遠子靖莊

劉沼

六世祖與

劉騶

劉之遴

弟之亨

劉孝孫

劉文紹

劉臻

父顯

劉臧

子瓌璠孫祥行本

卞華

六世祖盍

何思澄

子朗宗人遜

何遠

何之元

蕭敷明

大八十五
小八十六

金陵新志卷十三上

二十六

吳君祥

蕭濟

朱异

子容密

伏曼容

子挺插

淳于量

父文成

傅翮

子岐

孟智臨

曹景宗

席闡文

吉士瞻

吉玢

楊公則

父仲懷
子暉

鄧元起

羅研

昌義之

呂僧珍

樂藹

子法才

虞羲

虞僧誕

金陵新志卷十三上

二十七

吳郡

陳慶之

子昕

胡僧祐

杜蔚

姪龕

杜之偉

顧野王

郭祖深

嚴植之

崔靈恩

盧廣

太史叔明

皇侃

九世祖象

戚衮

宋懷方

陸詡

賀文發

子淹
孫德基

全緩

顧越

龔孟舒

袁峻

周興嗣

吳均

費昶

岑善

子之

褚仲都

子備

李慶緒

蔡大寶

父默

袁敞

祖繁
父士俊

岑善方

父昶

宋如周

樊文皎

該

封爵

杜龕
溧陽侯

大正廿二

金陵新志卷十三

二十八

原

陳 陳氏

郡姓

游宦附

宗室伯茂

伯山

叔慎

伯恭

伯智

叔英

叔卿

叔獻

叔齊

叔

叔達

巖

太子胤

深

周文育

周鐵虎

侯瑱

侯安都

杜稜

章昭達

吳明徹

徐度

程靈洗

蕭摩訶

樊毅

魯悉達

趙知禮

景歷

毛喜

傅縡

阮長之

顏晃

小五十八
大九十一
金陵新志卷十三

阮卓

殷不害

朱容

許善

徐儀

王胄

庾自直

孔奐

張種

張稚才

江總

徐孝克

孫瑒

胡穎

徐世譜

荀朗

周昞

楊孝辯

陳智深

陳禹

袁元友

宗元饒

沈君理

叔邁弟君高

沈炯

虞荔

弟寄于世基世南

章華

沈洙

王元規

張正見

任忠

姚察

駱文牙

司馬申

蕭引 子德言

阮翹

金陵新志卷十三上

二十

封爵

隋

楊氏

郡姓

諸葛穎

祖銓父規子嘉會

耿詢

王通

蕭之曾孫

庾季才

八世祖滔父曼情

姚僧坦

八世祖信父菩提子察最孫思廉

何妥

沈重

柳莊

周羅睺

虞綽

潘徽

張仲 父教

徐則 父教

許智藏 祖道幼父登 劉祥 從弟行本

游官 王詔宗

韓洪 兄擒虎 王韶直 十一世孫

達奚明 人 高穎 教

封爵 蕭武

唐 李氏 蕭武

郡姓 蕭武

金陵新志卷十三上 三十一

蕭瑀 梁王警之後從子鈞鈞子璿

蕭德言 父引 蕭倣 華從子

蕭邁 復曾孫 蕭定 瑀曾孫

蕭昕 族入穎士 陳叔達

王珪 祖僧辯 王弘直 導十一世孫

王搏 繼之後 王紹宗

王無競 並繼族 王丘 祖寬

王勃 肅之後 王昌齡

王璵 昌齡從弟 虞世南 父荔

六 祖繼 九世基

竇叔向 子牟

白季康

陸該 祖象先

岑仲休 弟損

柳均

李寂

李神福

鄭晏

揚於陵

揚延嘉

孟郊

李白

河間王孝恭

盧承度

崔宗之

秦系

吳筠

杜甫

孫

金陵新志卷十三

三

朱修甫

王昕

吳令璿

喬翔

張雄

馮弘鐸

顧況

許嵩

宋隣

韋渠牟

封爵

杜伏威 吳王

史務滋 溧陽侯

顏真卿 丹陽縣子 揚行密 吳王

徐溫 齊國公

姚思廉

本名簡
父察

温大雅

嶠之後
弟彦傳

徐文遠

五世祖孝嗣
子有功

顏師古

祖含

劉允濟

祖肅

劉三復

子鄴

劉太真

高智周

兄長生

褚亮

哀之後曾祖湮
父玠子遂良

李靖

雍之後
從子昭德

朱仁軌

弟敬則
族祖綽

顏真卿

師古五世從
孫

袁朗

漢司徒滂之後父樞
從弟承家承序

袁滋

憲之後

袁敬孫

朗從弟

陸元朗

字德明

許叔牙

大八十四
小百三十五

金陵新志卷十三

三三二

金陵府

張常洧

兄孫瑒

許淹

史務滋

殷遙

陶大舉

曾祖明曠祖昱
父瓚兄大有

桓彥範

彛之後九
世祖伊

殷開山

殷踐猷

不害五世從孫從父仲容
弟承業孫亮

柳冲

子莊

柳識

祖悛

洪遜

崔辛

游宦

盧祖尚

王通

郭昭符

伍喬

蕭儼

張知白

孫忌

名鳳又名晟
子魯嗣

馬承信

弟承俊

鍾禧

張雄

封爵

李建勳鍾山公

宋

趙氏

郡姓

查道

祖文徽
兄陶

侍其瑀

金陵新志卷十三上

三十三

修

徐鉉

秦傳序

子爽

秦梓

子煇
孫城

秦檜

子煇孫墳堪
曾孫鉅鉅子浚

李琮

子回耕
八世孫

俞卓

子焯弟棠
從子焯

魏良臣

潘温之

錢戩

子時敏

錢周材

李華

子朝正

吳柔勝

子淵潛

潘祺

閻彦昭

子昆昂晟
孫一德

刁衍

胡恢

鍾輻

唐文濟

南唐

李氏

郡姓

邊鎬

睦昭符

盧郢

王建

朱存

史寔

游宦

宗室景遂

景達

景邊

弘茂

仲寓

宋齊丘

劉仁贍

子崇讚
崇諒

韓熙載

徐鉉

弟錯

嚴可求

子續

周宗

查文徽

子元方
孫道陶

張延翰

刁彥能

子衍
曾孫約

常夢錫

徐知諤

父温

徐游

父知誨

潘佑

周勣

弟瑜之後父本

柴克宏

父再用

張易

何敬洙

馬仁裕

游簡言

高審思

史虛白

陳况

陳誨

弟謙
子德誠

陳喬

父濟

高彦

朱令贊

從父業

朱匡業

子崇俊

王崇文

父紹

王興

鍾離令

喬匡舜

申屠令堅

廖居素

高越

子遠

盧文進

李德誠

子建勳

李金全

大略三

金陵新志卷十三

卅五

朱俊甫

馮延巳

弟延魯
延魯子
僕侃議价仇

樂史

張義方

皇甫暉

江文蔚

歐陽廣

廖偃

彭師曷

林仁肇

盧絳

鄭文寶

李貽業

李元清

段處常

康仁傑

劉洞

汪台符

吳思道

侯仲遣

夏錫

徐時升

陳克

朱舜庸

史思賢

秦熹

王綸

馮玠

父延魯

趙公彬

宋宗子

沈端節

子熿 焯

胡澄

宗愈從曾孫

張瓌

祖洵

王端朝

潘彙征

邵必

遊宦

金陵新志卷十三

三七

隸

游宦

曹彬

子璨 珙 璋 玘 玗 琮

潘美

李繼隆

呂蒙正

叔父龜祥 孫夷簡

賈黃中

蘇易簡

胡旦

張詠

王益柔

馬亮

薛映

雷有終

薛顏

王隨

李迪

張士遜

李若谷

葉清臣

劉沆

張方平

包拯

梅摯

馮京

呂溱

吳中復

沈起

傅堯俞

劉庠

熊本

黃履

陸佃

魯肇

徐勣

唐介

欽定

金陵新志卷十三

三十八

傳

楊察

孫甫

沈遘

田况

程顥

蘇頌

范仲淹

子純仁

陳靖

呂夏卿

周邦彥

元絳

張商英

錢公輔

盛京

張奎

彭思永

沈立

王漢之

蔣堂

邵亢

陳軒

陳繹

蘇軾

米芾

子友仁

梅堯臣

余靖

張耒

鄭俠

韓駒

李及

王琪

葉祖洽

王安石

父益兄安仁安道弟安國安世
安禮安上子雱孫棣

王旒

父安國
弟游

王崇

大正

金陵新志卷十三

三九

雋

查詠之

羅彥輔

李亘

鄭驤

徐端脩

子大觀

呂希常

夷簡族孫

呂宣問

四世祖蒙正
父希圓

崔敦詩

兄敦禮

楊時

李綱

呂頤浩

張浚

子栻杓

劉光世

岳飛

張俊

韓世忠

楊邦乂

從孫萬里

李顯忠

趙鼎

王德

子琪琪

趙彥

王稟

張燾

呂祉

陳俊卿

劉珙

洪遵

范成大

周必大

陳亮

張孝祥父祁

尹起莘

真德秀

葉適

虞允文

大八十六小升五

金陵志卷十三上

四十

趙葵

子潛 姪淮

杜杲

子庶

葉夢得

向子恣

程大昌

汪大猷

王信

楊告

方楷

曾孫滋五世 孫叔恭

韓元吉

姚興

趙壘之

潘振

盛新

王瑋

李光

丘崇

黃度

史正志

馬光祖 子之綱

徐敏子

李處全 從子柄

劉岑

陳已

汪立信

吳革

楊備

石邁

張敦頤

吳彥夔

吳琚

趙廓夫

張侶

盧襄

家彬

韓仲通

大八九小十七

金陵新志卷之二十一

四十一

蕭之敏

余嶸

許俊

夏友諒

關杞

周邠

張革

章籍

姚耆宗

蘇楷

李衡

陳嘉善

司馬僖

方仲忽

吳友聞

湯詵

史彌鞏

衛壯

董槐

董烈

陸子適

周應合

周成之

曾極

陳巖

文天祥

鄧光薦

陳鉞

文復之

劉虎

從弟師勇

阮思聰

呂文德

弟文煥文福

王鑑

王福

鄒進

封爵

仁宗昇王

吳淵金陵侯

秦堪建康郡侯

錢時敏溧陽伯

李朝正溧陽男

列傳卷十三上

孝悌

王祥字休徵臨沂人性至孝繼母朱氏不慈每使掃除牛下祥愈恭謹父母有疾衣不解帶湯藥必親嘗母嘗欲生魚時天寒衣凍祥解衣將剖冰求之冰忽自解雙鯉躍出母又思黃雀炙忽有黃雀數十飛入其幕鄉里驚歎以爲孝感所致有丹柰結實母命守之每風雨祥輒抱樹而泣其篤孝純至如此漢末遭亂避地廬江隱

大二百九十一
小八

金陵新志卷十三

朱俊甫

居三十餘年母終居喪毀瘠杖而後起徐州刺史呂虔檄爲別駕固辭覽勸之乃應召累官至太常天子幸太學命祥爲三老祥南面凡杖以師道自居天子北面乞言晉武踐祚拜太保進爵爲公大事皆諮訪之以子肇爲給事中使常優游定省祥疾篤遺令訓子孫曰言行可覆信之至也推美引過德之至也揚名顯親孝之至也兄弟怡怡宗族欣悌之至也臨財莫過乎讓此五者立身之本其子皆奉而行之薨年八

十五謚曰元弟覽繼母朱所出也年數歲時見祥被母楚撻輒涕泣抱持至于成童每諫其母少止凶虐母屢以非理使祥覽輒與祥俱又虐使祥妻覽妻亦趨而共之母密使酖祥覽知徑起取酒祥疑其有毒爭而弗與母遽奪反之自後母賜祥饌覽輒先嘗母患之遂止覽亦篤行著聞應召累官至太中大夫薨年七十三謚曰貞祥五子肇夏馥烈芬覽六子裁基會正彦琛皆至大官封侯丞相導即裁之子世居烏衣巷

六百六十五

金陵新志卷十三

二

朱後甫

衣冠之盛為江左第一

舊志記祥墓在今江寧縣化成寺北

盛彦字翁子廣陵人少有異才八歲詣太尉戴

昌昌贈詩彦於坐答之辭甚慷慨母王氏因疾失明彦每言及未嘗不流涕於是不應辟召躬自侍養母食必自哺之母既病又至於婢使數見捶撻婢忿恨伺彦斲行取蟻螬炙飴之母食以為美然疑是異味密藏以示彦彦見之抱母慟哭絕而復蘇母目豁然即開從此遂愈彦後仕吳為中書侍郎

孟宗字子恭江夏人性至孝幼從南陽李肅學其母爲作厚褥大被人問其故母曰小兒無德致客客多貧故爲廣被庶可得氣類相接宗讀書夙夜不懈肅竒之曰卿將相器也及長爲驃騎朱據軍吏將母在營旣不得志遇夜雨屋漏因泣以謝母母曰但當勉之何當泣也後據稍知之除鹽池司馬能自結網捕魚作鮓寄母母使送還曰汝爲魚官而以鮓寄母非避嫌也尋遷吳縣令時不得將家之官宗在官每得新物未寄母不先食之及母亡時禁長吏不得奔喪宗犯禁奔喪旣而詣武昌請拘大將軍陸遜表陳宗孝行請於帝特令降罪母性嗜笋冬節將至宗乃入竹林泣笋爲之生得以供祭累遷光祿勳御史大夫後主即位宗避諱改名仁官至司空

顏含字弘都

即宋延之曾祖唐貞卿之十四世祖自含而下七世墓皆在建康

少有操行以孝友聞兄畿咸寧中得疾就醫死於醫家家人迎喪旒每繞樹而不可解引喪者

顛仆稱畿言曰我壽命未死但服藥太多傷我五臟耳今當復活慎無葬也其父祝之曰若爾有命復生豈非骨肉所願今但欲還家不爾葬也旄乃解及還其婦夢之曰吾當復生可急開棺婦頗說之其夕母及家人又夢之即欲開棺而父不聽含時尚少乃慨然曰開棺之痛孰與不開相負父母從之乃共發棺果有生驗以手刮棺指爪盡傷然氣息甚微存亡不分飲哺將護累月猶不能語飲食所須託之以夢闔家營

視頓廢生業雖母妻不能無倦含乃絕棄人事躬親侍養足不出戶者十有三年石崇重含淳行贈以甘旨謝而不受或問其故答曰病者綿昧生理未全既不能進噉又未識人惠若當繆留豈施者之意也含二親既終兩兄繼沒次嫂樊氏因疾失明含課勵家人盡心奉養每日自嘗省藥饌察問息耗必簪履束帶醫人疏方應須蚺蛇膽而無由得之含憂歎累時勿有一青衣童子年可十三四持一青囊授含開視乃蛇

膽童子逡巡出戶化青鳥飛去得膽藥成嫂病
即愈由是以篤行著名本州辟不就晉元帝命
爲參軍東宮初建補太子中庶子遷黃門侍郎
本州大中正歷散騎常侍大司農豫討蘇峻功
封西平縣侯拜侍中國子祭酒加散騎常侍遷
光祿勳以年老遜位就加光祿大夫門施行馬
賜牀帳被褥勅太官四時致膳不受郭璞嘗遇
含欲爲之筮含曰年在天位在人脩己而天不
與者命也守道而人不知者性也自有性命無

大之令之小三六

金陵新志卷十三上

五

卷十三上

勞著龜相温求婚於含含以其盛滿不許惟與
鄧攸深交或問江左羣士優劣答曰周伯仁之
正鄧伯道之清卞望之之節餘則吾不知也其
雅重行實抑絕浮僞如此致仕二十餘年卒年
九十三遺命素棺薄斂謚曰靖喪在殯而鄰家
失火至喪所而滅僉以爲淳行所感

三子鬢歷黃門郎侍

中光祿勳謙至安成太守
約零陵太守並有聲譽

吳隱之字處默濮陽鄆城人魏侍中質六世孫
年十餘歲丁父憂每號泣行人爲之流涕事母

孝謹執喪哀毀過禮家貧無人鳴鼓每至哭臨
時恒有雙鶴警叫及祥練之夕復有羣鴈下集
時人咸以爲孝感所致嘗食鹹菹以其味旨掇
而棄之與太常韓康伯鄰居康伯母殷浩姊賢
明婦人也每聞隱之哭聲輟殮投筋爲之悲泣
謂伯曰汝若居銓衡當舉如此輩人及康伯爲
吏部尚書隱之遂階清級兄坦之爲袁真功曹
真敗將及禍隱之詣桓温乞代兄命温矜而釋
之遂爲温知賞拜奉朝請尚書郎累遷晉陵太
守大三月廿四在郡清儉妻自負薪入爲中書侍郎守廷尉
秘書監御史中丞領著作遷左衛將軍雖居清
顯祿賜皆班親族冬月無被嘗澣衣乃披絮勤
苦同於貧庶廣州珍異所出前後刺史多黷貨
敗官朝廷欲革其弊以隱之爲刺史未至州二
十里有水曰貪泉時謂飲之者懷無厭之欲隱
之至泉所酌而飲之賦詩曰古人云此水一飲
懷千金試使夷齊飲終當不易心在州清操踰
厲常食菜及乾魚帷帳器服皆付外庫元興初

賜錢五十萬穀千斛進號前將軍盧循寇南海
隱之固守長子曠之戰沒歸日裝無餘資妻劉
氏齋沉香一斤隱之見之投於湖亭之水及至
家籬垣仄陋内外茅屋六間不容妻子劉裕賜
車牛更爲起宅固辭卒贈左光祿大夫加散騎
常侍子延之復厲清操子孫爲郡縣者常以廉
慎爲家法云

蕭統字德施梁武帝長子母丁貴嬪以齊中興
元年九月生于襄陽天監元年十一月立爲皇

大小三十一

金陵新志卷十三上

七

吳君祥

太子五年出居東宮生而聰慧三歲受孝經論
語五歲徧讀五經性仁孝自出宮常思戀不樂
帝知之每五日一朝多便留永福省或五日三
日乃還宮八年九月於壽安殿講孝經盡通大
義講畢親臨釋奠于國學普通七年十一月母
丁貴嬪有疾朝夕省侍衣不解帶及薨步從喪
還宮至殯漿不入口每哭輒慟絕武帝勅中書
舍人顧協宣旨曰毀不滅性聖人之制不勝喪
比於不孝有我在那得自毀如此可即強飲粥

太子奉勅乃進數合自是至葬日進麥粥一升
武帝又勅勸逼終喪日止一溢不嘗菜果之味
腰帶十圍減削過半每入朝士庶見者莫不下
泣自加元服帝便使省萬機內外百司奏事填
塞太子明察所奏誤妄皆即辨析示以可否徐
令改正未常彈糾一人平斷法獄多所全宥寬
和容衆喜愠不形於色引納才學之士賞愛無
倦嘗自討論墳籍或與學士商確古今繼以文
章著述率以爲常于時東宮有書幾三萬卷名
才並集文學之盛晉宋以來未之有也性愛山
水於玄圃穿築更立亭館嘗與朝士泛舟後池
番禺侯軌盛稱此中宜奏女樂太子不荅詠左
思招隱詩云何必絲與竹山水有清音軌慙而
止出宮二十餘年不蓄音聲未薨少時勅賜太
樂女伎一部略非所好普通中大軍北侵都下
米貴太子命菲衣減膳每霖雨積雪遣腹心左
右周行閭巷視貧困家及有流離道路以米密
加賑賜人十石又出主衣絹帛多作襦袴冬月

以施寒者不令人知若死一無可歛則爲備棺
槨每聞遠近百姓賦役勤苦輒歛容變色常以
戶口未實重於勞擾吳郡屢以水災不熟有上
言當漕大瀆以馮浙江詔遣前交州刺史王奕
假節發吳吳興信義三郡人丁就役太子上疏
曰吳興累年失收人頗流移吳郡十城亦不全
熟唯信義去秋有稔復非常役之民即日東境
穀價猶貴劫盜屢起所在有司皆不聞奏今征
戍未歸強丁踈少比得齊集已妨蠶農不審可
得權停此功帝優詔喻焉太子孝謹天至每入
朝未五鼓便守城門開東宮雖燕居內殿一坐
一起常回西南面臺宿被召當入危坐達旦三
年三月游後池溺而得出因動股疾恐貽帝憂
深誠不言武帝勅看問輒自力手書及稍篤左
右欲啓聞猶不許曰云何令至尊知我如此惡
因便嗚咽四月乙巳暴惡馳啓武帝比至已薨
時年三十一帝臨哭盡哀詔斂以衮冕謚曰昭
明吁仁孝如統而不得其壽君子知梁之不能

永矣幽而為神廟食百世宜哉

呂宣問字季通開封人宋文穆公蒙正之四世孫徙居溧陽父希圓紹興甲子倅洋州妾韓氏生宣問甫六歲辭去莫知所之父卒母李氏獨在宣問既長將訪所生以池陽當蜀人往來通道乃求調錄事參軍凡蜀客經從必託使物色存否臨滿秩而仙井兵楊俊報之曰韓氏在彼時李氏已老無它男宣問不可捨李氏而遠涉亟調峽州推官欲益近蜀至之次年被檄如荆

大七十四

金陵新志卷一三列傳

十

門過當陽玉泉寺寺側武安王廟求夢而應果

得其母於仙井

邑人於廟求夢多驗宣問謁焉是夕夢至廟中見一道人坐井

上曰此琉璃井也有童子持一龜與之宣問悟曰道人臨井上仙井也龜者歸也遽遣迎致果

得之時紹熙庚戌相失四十餘年母子復如初

相持悲泣吏卒為之出涕李氏時年八十三韓

亦七十矣

洛陽吳仁繼斗南賦詩美之詳見夷堅志

宣問尋改秩知

蘄春縣

陶子鏘**張松****張常洵****徐鉉****李華****潘祺****錢戩**各見

後耆舊傳

孝子伊小乙者溧水人乾道戊子歲剖腹取肝以療母疾縣令陳嘉善聞於朝旌其里曰表孝事具前志中大德己亥二月保寧街顧童者小民顧四郎之子年始十六母吳染疾困篤不食者數日童子籲天引刀剖腹取肝雜粥藥以進母即甦翌日童子病又一夕竟死時三月三日也郡司謂其非理行孝抑不以聞君子曰傷哉顧童之殞也夫身也者親之枝也傷親之枝與自戕其本何異而童子易為之其亦質美而不

小乙計

金陵新志卷十三列傳

十一

也

知學之蔽哉然其一念之誠哀恫迫切通于神明聞童子垂殆之日天大雨震電里巷晦冥童子死二十有三年而母吳以壽終豈天亦哀而報以是哉其事與伊小乙相類故通著之為傳

溧水志淳熙九年溧橋市夏氏女沈四娘剖腹取肝以療母疾知縣王衍申府改里為昭孝里坊名顯孝坊以旌之嘉定四年表孝坊居人劉興祖割股以療父疾愈而復作剖腹取肝焚糜以進遂有更生之喜知縣湯說嘉歎厚加旌餽以咸淳元年思鶴鄉陳氏女割股以療母疾權趙孟僚餽以錢米仍免租稅咸淳間思龍割股以療母疾又李震龍婦趙氏因祖母小女朱氏父

疾知割股以療之又山陽鄉謝千九割股以療
疾知縣周成之一山陽鄉謝千九割股以療
五年史思賢母氏父疾思賢夜焚香拜斗欲
割取心療母橫七首香爐上祈神允許必母子
兩全有一不免則不致自殘懸立夕拜於室中
以示感格如是累夜虔禱不息一夕拜於室中
如半七首忽自立空中思賢等自刺揣得肉物
聞於縣知縣方梅旌給酒綸○王弟兒丘念一
王德先何百四皆田野間小民嘉定十三年俱
以母父病割股肉進母獲愈知縣陸子適審實
準格旌餽小民能為此固可嘉獎王弟兒者年
方十五其事又最先非有
所慕倣而為之尤可稱也

傅霖者江寧縣馴翬鄉秣陵鎮人孝行純篤母

亡居喪晝夜哀泣葬後廬於墓所寢處苦塊本

大六
小六

金陵新志卷十三列傳

十三

縣以聞至元四年部擬旌表門閭

節義

張悌字巨先襄陽人少有名理諸葛瑾薦於吳大帝累遷長水校尉景帝立除軍師將軍永安五年蜀以魏見伐來告帝召羣臣議於前殿曰司馬氏得政以來大難屢作智力雖豐而百姓未服竭其資力遠征巴蜀兵勞民疲而不知恤敗於不暇何以能濟昔夫差伐齊非不剋勝所以危亡者不憂其本况彼之事地乎悌對曰以臣愚料則不然曹操雖功盖天下威震四海崇詐仗術征伐無已民畏其威不懷其德丕叢承之繼以躁虐內興宮室外拒雄豪東西馳騁無歲獲安彼之失人爲日且久司馬懿父子自握其柄累有大功除其煩苛而示平惠爲之謀主以救其疾民歸之亦已久矣故淮南三叛而腹心不擾曹髦之死而四方不動摧堅敵如折枯蕩異國如反掌任賢使能各盡其心非智勇兼人孰能如此威武張矣本根固矣羣臣伏矣奸計立矣今蜀闔宦專朝國無政令而玩戎黷武

民勞本弊強弱不同殆其必剋乎若不剋不過無功終無奔北之憂覆軍之慮昔楚劔利而秦昭懼孟明用而晉人憂彼之得志我之大患也左右皆嗤之其冬蜀果亡後主皓以悌爲丞相總兵南討廣州反者郭馬戒嚴未發會晉師來伐後主命悌及右將軍副軍師諸葛靚等督丹陽太守沈瑩護軍將軍孫震帥衆三萬渡江逆之至牛渚沈瑩謂悌曰晉治水軍於蜀久矣今傾國大舉萬里齊力我上流諸軍無有戎備名將皆死幼駭當任晉之水軍必至於此宜蓄衆力待來一戰若勝之日江西自清上方雖壞可還取也今渡江逆戰勝不可保若或摧喪大事去矣悌曰兵之將亡賢愚所知非今日也吾恐蜀兵來此衆心駭懼不能復整宜及今決戰力爭若其敗喪同死社稷無所復恨若其剋勝兵勢萬倍逆之中道不憂不破若如子計恐行自散盡坐待賊到君臣俱降無復一人死國難者不亦辱乎遂渡江圍晉成陽都尉張喬於楊荷

橋喬衆不敵請降諸葛靚欲屠之悌曰嚴敵在前不冝先事其小且殺降不祥靚曰此等救兵未至力少僞降以緩我非來伏也因其無戰心而盡坑之可以成三軍之氣若捨之而前必爲後患悌不從撫之而進與晉征東將軍揚州刺史周浚等成陳相對沈瑩領丹陽銳卒刀楯五千入號曰青巾兵前後屢陷堅陣以馳淮南三軍三衝不動引退衆亂薛蒙蔣班等因亂乘之張喬又出其後吳軍大敗於楊荷橋靚等收散

小六四十六

金陵新志卷十三上

十五

朱

丘退走呼悌悌不肯退靚住馬上自牽之曰存亡大數豈卿一人力所奈何悌泣曰仲思今是我死日也我作兒童時便爲卿家丞相所識拔常恐不得死王事負名賢知顧今徇社稷復何遁邪奮戰不顧靚流涕捨去數百步廻見悌爲

亂兵所殺

悌有墓在板橋西晉史諸葛靚父誕爲文帝所誅靚奔吳爲大司馬吳平

逃竄不出武帝與靚有舊靚姊又爲琅邪王妃帝知靚在姊間因就見焉靚逃于廁帝逼見之

謂曰不謂今日復得相見靚流涕曰不能漆身皮面復覩聖顏詔以爲侍中固辭不拜歸鄉里

終身不向朝廷而坐同時又有石偉字公操南郡人好學脩節介然有不可奪之志舉茂才賢

良方正皆不就景帝特徵累遷光祿勳後主朝政昏亂以老耄痼疾乞身拜光祿大夫吳亡晉建威將軍王戎親詣偉太康二年詔曰吳故光祿大夫石偉秉志清白皓首不渝雖處危亂廉節可紀年已過邁不堪遠涉其以偉為議郎加二千石秩以終厥世偉遂陽狂及盲不受晉爵卒年八十三

下壺字望之濟陰宛句人父粹張華婿也壺弱冠有名譽晉元帝鎮建鄴召為中郎甚見親仗明帝時領尚書令與王導俱受顧命輔幼主導稱疾不朝而私送車騎將軍郝鑒壺以導虧法從私無大臣之節御史中丞鍾雅阿撓王典並請免官舉朝震肅壺斷裁切直不畏彊禦幹實當官以褒貶為己任不肯苟同時好庾亮將召蘇峻壺固爭謂亮曰峻擁強兵多藏無賴且逼近京邑路不終朝一旦有變易為蹉跌宜深思遠慮未可倉卒亮不納司馬任台勸壺宜畜良馬以備不虞壺笑曰以逆順論之理無不濟若萬一不然豈湏馬哉峻果稱兵詔以壺都督大桁東諸軍事率郭默趙胤等與峻大戰於蔣陵西為峻所破死傷千數峻進攻青溪柵壺與諸

軍拒擊之賊放火燒宮寺六軍敗績壺時發背
創猶未合率厲散衆及左右吏數百人苦戰遂
死之時年四十八二子眡眡見父沒相隨赴賊
同時見害母裴氏撫二子屍哭曰父爲忠臣爾
爲孝子復何恨乎徵士翟湯聞而歎曰父死於
君子死於父忠孝之道萃於一門時羊曼周導
陶瞻等同見害賊平壺贈侍中驃騎將軍開府
儀同三司謚忠貞祠以太牢世子眡散騎侍郎
眡奉車都尉晉末盜發壺墓尸僵鬚髮蒼白面
如生兩手悉拳爪甲穿達手背安帝詔給錢十
萬以脩塋兆第三子瞻廣州刺史瞻弟眡尚書
郎

孫忌高密人名鳳又名晟後唐明宗時事秦王
從榮從榮敗亡命至壽春節度使劉金得之送
詣金陵時烈祖輔吳四方豪傑多至忌口吃初
與人接不能道寒暄坐定辭辯鋒起人多憎嫉
之而烈祖獨喜其文辭使出教令輒合指遂預
禪代祕計保大十四年周師侵淮南圍壽州以

忌爲司馬使周世宗以樓車載忌於壽州城下使招劉仁贍仁贍望見忌戎服拜城上忌逆語之曰君受國恩不可開門納寇世宗詰之忌謝曰臣爲唐大臣豈可教節度使外叛周班師留忌大梁乂之世宗以他事發怒責問忌正色請死無撓辭問江左虛實又不肯對命都承旨曹翰送至右軍巡院猶飲之酒數酌翰起曰相公得罪賜自盡忌怡然整衣索笏東南望再拜曰臣受恩深謹以死謝從者二百人亦皆誅死於

大梁

金陵新志卷十三上

十八

吳君祥

東相國寺世宗性暴急莫敢救者已而追悔元宗聞之流涕贈太傅追封魯國公謚文忠厚恤其家擢其子爲祠部郎中賜名魯嗣

劉仁贍字守惠淮陰洪澤人略通儒術好兵書仕唐爲龍衛軍都虞候授清淮軍節度使周世宗自將百計攻城晝夜不少休鼓角聲震墻壁皆動援兵屢敗仁贍意氣益壯世宗據胡床城下督攻城仁贍素善射引弓射之箭去胡床數步輒墮世宗命進胡床於箭墮處後箭復去數

步仁贍投弓於地曰天果不出唐耶吾有死於
城下耳世宗遣中使諭曰知卿忠義然士民何
罪又親駕臨城招之自正月至四月不能下少
子崇諫夜泛小舟渡淮謀紓家禍爲軍校所執
仁贍命腰斬之監軍文德殿使周廷構哭于中
門又求救仁贍妻薛氏薛氏曰崇諫幼子固所
不忍然貸其死則劉氏爲不忠之門促命斬之
然後成服聞者皆爲出涕明年二月世宗復親
征屢戰皆克唐軍被俘馘者四萬人餘衆不能

大正十四

金陵新志卷十三上

十九

吳君祥

復整多降周仁贍聞之扼吭憤歎世宗知城且
下心獨嘉仁贍恐城破殺之下詔諭使自擇禍
福三月甲辰又耀兵城北而仁贍病已困篤不
知人監軍代爲表降世宗昇仁贍至幄前撫勞
嘉歎拜天平軍節度使兼中書令命還城養疾
辛亥晝晦雨沙如霧世宗在下蔡疑有變馳騎
覘之乃仁贍卒年五十八州人皆哭偏禫及士
卒自剄以徇者數十人薛氏不食五日亦死世
宗遣使弔祭追封彭城郡王錄其子崇讚爲懷

州刺史賜莊宅各一區元宗聞仁贍死哭之慟
贈太師中書令謚忠肅歎曰仁贍有知其肯捨
我而受周命耶是夕夢仁贍右拜謝庭中加封
衛王後主立進封越王宋開寶中子崇諒爲進
奉使太祖嘉其忠臣之後特命爲都官郎中仁
贍至今廟食壽春此亦有廟

揚邦乂字希稷吉州吉水人宋政和中以上舍
生賜第建炎元年爲溧陽縣令時江寧府禁卒
周德叛囚其帥宇文粹中縣卒有欲應之者邦

大正志

金陵新志卷十三十一

二十

吳君祥

乂諭止之不聽乃設方略圍捕殺之賊以故不
得逞卒就擒事聞于朝差通判軍府事三年兀
朮入寇渡淮薄江師于東采石時宰相杜充總
諸道兵留江上左顯謨閣待制陳邦光守建康
李玪以前執政爲戶部尚書供餽充聞虜至
出其軍六萬人列戍江南岸玪數日虜知充無
鬪志遂渡江江上之軍皆潰玪與戲下降北兵
入建康玪先降邦光欲棄城玪不果亦降獨邦
乂力拒不從大書其衣裙曰寧作趙氏鬼不爲

他邦臣以授其僕曰持此以見吾志吾必死矣
柎邦光愧謝猶強擁邦又上馬與郊迎兀术見
則使拜邦又叱曰我不降何拜亟遁歸卧于家
明日金將張太師諭邦又授以舊官邦又以首
觸階陞曰我已志死何多誘我爲金將驚止之
徐曰公所守固高柎勢不可何第歸審忠之邦
又退移書其將曰世豈有不畏死而可以利動
者幸速殺我無久留我又明日金人設宴稅邦
光坐堂上樂作召邦又立庭下邦又矐眎柎邦
光叱曰天子以汝拒賊不能抗乃俛首求活已
不若犬豕復與共燕樂尚有面目見我乎金將
有起取紙書死活二字佯脅邦又曰無多言即
欲死趣書死字下我乃信邦又躍起奪吏所簪
筆掣紙書字曰死敵相顧色動又使引去明日
再以見兀术邦又不勝憤遥望見大罵兀术怒
使人疾擊挺杖交下邦又罵不絕口遂殺之剖
腹取其心明年州以事上聞詔贈直祕閣官其
子二人即死所立廟賜額褒忠

今廟中從祀有忠義陳都義山

寨賈隅官公姪孫尚書吏部員外郎萬里擢行
狀曰斗子陳大伯者從公為廉公被囚大伯不
去公罵四太子大伯舉髦奮擊之不申同被害
主山砦賈三郎者武勇絕人時號為賈山砦亦
同公披執賈命其子結里人為鬻薪者置兵於
薪以入闔人索之事覺父子磔於市朝廷既褒
公忠遂各官二人一子以武階
邦人肖其象立公左右從祀焉

秦鉅字子野丞相檜曾孫待制建康郡侯堪之

子嘉定辛巳正月金人犯蘄州鉅適通判州事

與知州李誠之協力捍禦誠之字茂求援於武

昌安慶月餘兵不至策應兵涂揮常用等弃城

遁城遂陷鉅與誠之各以自隨之兵殊死巷戰

金陵新志卷十三上 二十二

統制官孫中小將江士旺陳興死傷畧盡李歸

府驅其妻子赴水乃引劒自刎時誠之年鉅脫

歸倅廳厲聲呼吏人劉迪急令放火燒諸倉庫

赴一室自焚將死時身猶着白戰袍煙焰中可

識有老卒冒火牽之鉅叱曰我為國死汝輩可

自求生掣衣就焚死次子三將仕名浚者先往

四祖山兵至亟還與弟潭從父偕死教授阮希

甫先遣其子女赴井然後自投井中判官趙汝

標知縣林榮監轄嚴剛中主簿寧時鳳相率赴

水死剛中守城累有戰功而衆寡不敵遂敗城中士民殲焉惟司理叅軍趙與裕先率民兵百餘人奪關出求救僅以身免而全家沒兵中作泣斬錄以言其事嘉定十五年褒贈死事官吏鉅封顯節侯謚義烈與李誠之皆立廟蘄州賜額褒忠

子孫今家郡中

牛將軍名富

舊史一名臯

安豐霍丘人宋制置司遊

擊寨兵籍勇而知義以統制官從安撫呂文煥守襄陽之樊城樊城居漢水北襄陽城在漢南

卷十一

金陵新志卷十一

十三

且

表裏相援爲固先是金亡

大朝屯兵鄧州棗陽光化伺隙攻伐宋亦宿重兵于襄應之積芻糧器械常數十萬計咸淳丁卯春安撫使劉雄飛覺城中氣色有異又謀知劉左丞整獻取襄之策憂懼遣使詣朝廷祈代賈似道以文煥代守襄至則北兵已築白河互市堡兵自北來穰穰不絕秋九月文煥下令清野繕脩守備陰遣帳下回鶻人探伺北方動靜十月大兵哨樊城城中出師迎敵殺萬戶闕闕

夕自是不大交鋒而增築鹿門山置堡江中洲
上周三里餘起萬人臺撒星橋斷襄樊下流之
援然櫃門關陸路尚通荆郢高達時守江陵嘗
有收復襄樊功怨朝廷處置失宜又與呂氏不
平故救襄戰不甚力而似道亦疑不即用遣淮
西閩夏貴殿帥范文虎等相繼領兵赴援皆敗
退辛未壬申行中書省行樞密院駐鹿門山遣
兵斷櫃門關於峴楚二山矢石不及之地掘塹
築城下瞰城中以綴文煥兵又斷漢江中浮航
襄樊中絕不能相救外圍益急城中兵纔七千
人糧食雖足而乏薪芻布帛張順張貴自均房
上流赴援力戰至城下順溺死貴復帥舟師潰
圍出求援安陸轉戰至櫃門關誤發平安砲城
中援者退歸而北兵大至敗績死之都統制唐
海護兵士刈薪城西萬山伏發被擒所用回鶻
將引兵襲北營亦敗而死城中奪氣癸酉春北
兵急攻樊城富與其衆數千人力戰不敵城陷
投砲火中自焚死統制官范大順張漢英皆戰

死裨將王福見富死歎曰將軍死國事吾豈宜

獨生亦赴火死麾下戰死及投漢江者尸相枕

籍大兵據樊城乘高樹砲擊襄陽中安撫司牙

樓襄府牙城譙樓大字篆扁曰山南東道猶唐舊額也城中恟懼會唐都

統扣城請文煥宣諭

上旨遂以城降襄樊拒大兵首尾六年將士以

死守食盡援絕其降豈得已哉按張祐倩福華錄載甲戌冬大

兵至陽羅堡守關將牛富兩日夜死戰血凝雙掌以湯沃開勝負未決十二月二十四日定海

統制劉成戰敗兵始渡江南夏貴與呂文煥對語夏發划車弩誤中千戶解某遂各退師此又

金陵新志卷十三至二十五

存一牛富也富既死其妻胡恭人即所居立廟奉

祠額曰忠烈開國節使蓋當時勅贈云廟在城中西南隅竹架街

趙淮者潭州衡山縣人宋荆湖制置使方之孫

右丞相樞密使葵之從子金源遷汴連歲南侵

方開閩襄陽有戰守功葵帥淮東平李全遷淮

西制置使拔用呂文德夏貴等皆自偏裨起為

名將葵督視江淮軍馬以身任藩屏幾四十年

淳祐癸卯拜右丞相被劾去國咸淳丁卯冬告

歸病卒而邊事日棘朝廷以趙氏累世將家用其子潛爲泂江制置淮知無爲軍德祐乙亥行省兵自江州順流而下行院兵自淮西來會擐安慶降池州太平賈似道軍潰於丁家洲泂江守將或遁或降乃就家起淮爲太府寺丞同臨安府通判陳昭賓於銀樹東埧措置防拓淮招集義兵聚糧造戰艦於溧陽宜興界長塘湖山山阻水置寨扼建康東出之兵江東宣撫司屢遣使招之不從尋除江東轉運判官置司溧陽

冬十月行省分道進兵臨安別遣招討使徐王榮新野千戶陳翼引兵攻之至元十三年正月淮屯兵溧陽之永豐圩與大兵戰敗被擒宣撫司遣徐王榮送詣淮東行省路經秦丞相檜別墅題云祖父有功王室福澤延及子孫淮今勢窮被執萬古忠義長存刀鋸吾所不懼誓以一死報君伏願先靈速引庶幾不辱家門徐王榮泂途勸誘使降淮曰汝依南朝體面則可徐信之以轎從迎過江至行省見左丞相阿朮淮挺

立不跪抗罵不已即命斬於瓜洲淮妾二人時從行有將領逼妻之給曰伺焚知府屍唯命是從將以為誠然聽之二妾既焚屍以衣裹骨投金山江中並赴水死宋相陳宜中以淮死節奏贈忠愍公事見宋史

汪立信字成父號紫源其先徽州人宋紹興末從祖澈宣諭湖北京西魯祖智往從之取道淮西六安山中喜其山水擇居焉子孫遂為六安人立信生而氣宇充實端重寡言淳祐辛丑獻

六三

金陵新志卷十三上

二十七

信

策招安慶劇賊胡興劉文亮等借補承信郎丙午赴建康寓試登進士第理宗見公狀貌雄偉顧侍臣曰此閩帥才也時年四十七授烏江簿辟沿江制幕知桐城縣未上辟荆湖制司幹辦通判建康府荆湖制置馬光祖辟充策應使司及本司參議官世說景定庚申變後賈似道忌宣撫所用委建康閩馬光祖打筭法汙之趙葵煨煉致葵於罪汪立信時任閩幕殊不經意一曰光祖會幕客置省禮并文移案上曰此係朝廷新行一大事須早回報成父曾見否答曰累見揭視數板復投案上光祖曰成父意若何立信初不對良久厲聲曰趙信庵為朝廷事使朝

廷錢制置欲去打籌今本司日日亦使朝廷錢
將後又使誰打算乎光祖大怒曰成父敢自擔
當如此可自回報朝廷且自做制置即令吏抱
印置立信前立信曰可惜朝廷不用其作制置
若其作制置須管得體為朝廷爭氣光祖拂衣
入內立信亦趨出明日光祖意悔請立信謀之
立信曰於理只當星馳報趙令自點對當破數
者破數當還朝廷者還朝廷本司備以回文公
私交益兼全朝廷之體光祖擢提舉京西南路
喜從之趙遂得全晚節以此

常平義倉茶鹽公事改知招信軍權淮東提刑

景定庚申差知池州提舉江南東路權知常州

兩浙西路提刑辛酉冬移臺嘉興講行救荒之

政公自為榜略云古人有言世間善事惟濟人之急為第一陰間罪謫惟絕人之

大六

金慶新志卷十三上

二十八

售

食為最重蓋食者人之命一日不食則飢三日
不食則死有能捐斗升以活人是為無上功德
昔成都府有黃承事者每歲遇禾麥熟時以錢
三萬緡收糶至來年禾麥未熟艱難之際只照
元糶價出糶張忠定公鎮成都日夜夢謁紫府
真君真君召黃承事坐公之上真君加敬如此
其陰功蓋可見矣燕山竇十郎其家甚富穀歲
則減價糶穀其窮乏無錢者則隨數賙給後生
五子皆登上第青州有陳季二富家歲收田租
以數萬計遇歉歲則閉糶待價用小斗出糶收
利十倍因此愈富不過三十年家道日漸蕭索
子孫絕滅無噍類善惡之報如影隨形深可畏
哉榜出民尋改知江州充松江制置副使節制
賴以濟

斬黃興國軍馬提舉饒州南康兵甲升江西安撫使乞祠祿差知鎮江尋充湖南安撫使知潭

州到任除卧床薦席外備堂供帳物件悉置官
庫行惠民之政以所積錢連歲代納潭民夏稅
貧無告者支米給錢病者加炭藥雨雪旱潦軍
民皆有犒給興學校禁鄉試闕場士習丕變以
潭爲湖湘重鎮剗威敵軍所募精銳凡數千人
後帥李芾果賴以守咸淳癸酉除權兵部尚書
荆湖安撫制置使知江陵府時襄陽被圍危急
立信上疏請益安陸府屯兵九邊戍皆不宜抽
減黃州守臣陳奕素蓄異志朝廷宜防之又移
書抵似道謂內地何所用乎多兵宜盡抽之過
江可得六十萬百里或二百里置一屯皆設都
統七千里江面纔三四十屯設兩大藩府以總
攝運調之緩急上下流相應必無能破吾聯絡
之勢者久之日益進此第一策也今久拘使者
在真州何不議遣使偕行啗以厚利緩其師期
年歲間我江外之藩垣成氣象固江南之生兵
日增矣此其二策也三謂若此兩說不行惟有
準備投拜其意蓋激賈行第二策賈得書大怒

以爲張皇生事罵曰瞎賊敢爾妄語諷臺諫劾之甲戌秋改兵部尚書以朱禩孫代守江陵立信歸金陵上章丐祠德祐乙亥北兵渡江九江以下皆失守公挈家登舟由真揚入淮遇似道江中撫公背曰端明端明似道不用公言遂至於此答曰平章平章瞎賊今日更說一句不得賈問公何向曰今江南無一寸乾淨地立信去尋一片趙家地上死也要死得分明後抵高郵月餘除端明殿學士沿江招討大使隨寓開府沿江諸軍並聽調用而建康府已降淮東被圍公病亦薦告老授光祿大夫致仕丞相伯顏行省建康聞立信所陳三策驚曰江南亦有是人有是語乎若宋用之我豈得至此欲遣使迎之立信得密報哭曰吾猶幸得在趙家地上死也握拳撫案者三聲震中外以是失聲三日而死年七十五時高郵尚未歸附以遺表奏贈少傅公先居建康興政坊至元丁丑歸葬溧水都堂山子麟早卒姪天麒爲撰年譜云

忠勲

范蠡南陽人事越二十餘年句踐即位三年而欲伐吳蠡諫曰國家之事有持盈有定傾有節事持盈者與天定傾者與人節事者與地夫勇者逆德也兵者凶器也爭者事之末也陰謀逆德好用凶器始於人者人之所卒也淫佚之事上帝之禁也先行此者不利句踐不聽興師伐吳戰於五湖不勝棲於會稽召蠡問焉對曰君王其忘之乎定傾者與人乃令大夫種行成於

秋十六

金陵新志卷十三

三十一

得

吳吳人許諾王曰蠡爲我守於國對曰四封之內百姓之事蠡不如種也四封之外敵國之制立斷之事種亦不如蠡也王曰諾令大夫種守國與蠡入官於吳三年而吳人遣之歸及至於國王問蠡曰節事奈何對曰節事者與地唯地能包萬物以爲一其事不失生萬物容畜禽獸然後受其名而兼其利美惡皆成以養其生時不至不可彊生事不究不可彊成時將有反事將有間必有以知天地之恒制乃可以有天下

之成利事無間時無反則撫民保教以湏之四年王召蠡與謀伐吳蠡不可又一年蠡曰人事至矣天應未也又一年吳殺伍子胥王召蠡問焉對曰逆節萌生天地未形而先爲之征其事是以不成并受其刑王姑待之又一年王問曰吾昔與子謀吳子曰未可今吳稻蟹不遺種其可乎對曰天應至矣人事未盡也王姑待之王怒曰子欺不穀邪吾與子言人事子應我以天時今天應至矣子應我以人事何也蠡曰夫人

事必與天地相參然後可以成功今其禍新民恐其君臣上下皆知其資財之不足以支長久也將同其力致其死王其馳騁弋獵無忘國常彼上將薄其德下將盡其力又使之望而不得食乃可以天地之殛王從之至於亥月王召蠡曰諺有之觥飲不及壺殮今歲晚矣子將柰何對曰微君王之言臣固將謁之臣聞從時者猶救火追亡人也蹶而趨之唯恐弗及王曰諾遂興師伐吳至於五湖

五湖舊云笠澤溧陽長塘湖別名洮湖即五湖

之一詳見

山川志 吳人挑戰一日五反王欲許之蠡進

諫曰夫謀之廊廟失之中原可乎王姑勿許臣聞古之善用兵者羸縮以爲常四時以爲紀無過天極究數而止天道皇皇日月以爲常明者以爲法微者則是行陽至而陰陰至而陽日困而還月盈而匡故善用兵者因天地之常與之俱行後則用陰先則用陽近則用柔遠則用剛後無陰蔽先無陽察用人無藝往從其所剛柔以禦陽節不盡不死其野彼來從我固守勿與

若將與之必因天地之灾又觀其民之饑飽勞逸以叅之盡其陽節盈吾陰節而奪之利宜爲人客剛疆而力疾陽節不盡輕而不可取宜爲人主安徐而重固陰節不盡柔而不可迫凡陳之道設右以爲牝益左以爲牡蚤晏無失必順天道周旋無究今其來也剛疆而力疾王姑待之王曰諾弗與戰居三年吳師潰吳王棲於姑蘇使孫雒行成於越曰昔者上天降禍於吳得罪於會稽今王其圖不穀不穀請復會稽之

和蟲諫不許使者往而復來辭愈卑禮愈尊王
又欲許之蟲諫曰臣聞聖人之功時爲之庸得
時不成天有還形天節不遠五年復反小凶則
近大凶則遠君王忘會稽之耻乎孰使我蚤朝
而晏罷者非吳耶與我爭三江五湖之利者非
吳耶十一謀之一朝而棄之王姑勿許王曰吾
欲勿許而難對其使者子其辭之蟲左提鼓右
緩抱對使者曰昔者上天降禍於越委制於吳
而吳不受今將反義以報此禍吾王敢無聽天

之命而聽君王之命乎王孫雒曰子范子先人
有言曰無助天爲虐助天爲虐者不祥今吳稻
蟹不遺種子將助天爲虐不忌其不祥乎蟲曰
王孫子昔吾先君固周室之不成子也改濱於
東海之陂龜魚鱉之與虺而鼃鼃之與同渚
余雖覩然而人面哉吾猶禽獸也又安知是譏
譏者乎雒請反辭於王蟲曰君王已委制於執
事之人矣子往矣無使執事之人得罪於子使
者辭反蟲不報於王擊鼓與師以隨使者至於

姑蘇之宮不傷越民遂滅吳句踐既平吳命蠡築城金陵之長干

長干在今集慶路城南天禧寺所故址猶在詳見後古迹

志以兵北渡淮與齊晉諸侯會於徐州致貢於周元王使人賜句踐胙命為伯是時越兵橫行江淮東諸侯畢賀號稱霸王蠡乃辭於王曰臣聞君憂臣勞君辱臣死昔者君王辱於會稽臣所以不死者國之耻未雪也今事已濟矣蠡請從會稽之罰王曰所不掩子之惡揚子之美者使其自無終沒於越國子聽吾言吾與子分國

大傳

金陵新志卷十三上

三十五

附

而治不聽吾言身死妻子為戮蠡對曰臣聞命

矣君行制臣行意遂乘輕舟以浮於五湖

注見前

變姓名自謂鴟夷子皮父子戮力治產居無幾何致產數千萬齊人聞其賢以為相蠡喟然歎

曰居家則致千金居官則致卿相此布衣之極也久受尊名不祥乃歸相印盡散其財與知友

鄉黨而懷其重寶間行以去止于陶自謂陶朱公詳見史記及吳越春秋

論曰 臣仲相桓公霸諸侯其詐不足稱也而聖

門取節焉若螽之佐句踐因敗爲成報辱爲功豈與後之君臣耽於宴安甘心困辱者比乎其言持盈定傾務盡人事而觀天節皆權謀深計優於戰國之士螽力行之外以強其國內以保其身然槩之聖賢之道功近而德遠矣

張昭字子布彭城人漢末避難南渡居秦淮爲孫策長史輔孫權爲軍師權常乘馬射虎虎突前攀持馬鞍昭變色而前曰將軍何有當爾夫爲人君者謂能駕御英雄驅使羣賢豈謂馳逐於原野校勇於猛獸者乎如有一旦之患柰天下笑何權謝昭曰年少慮事不遠以此慙君權於釣臺飲酒大醉使人以水灑群臣曰今日酣飲惟醉墮臺中乃止昭正色不言出外車中坐權呼還謂曰共作樂耳公何爲怒昭對曰昔紂爲糟丘酒池長夜之飲當時亦以爲樂不以爲惡也權默然慙遂罷酒初權當置丞相衆議歸昭權曰方今多事職統者責重非所以優之也後丞相孫劭卒百僚復舉昭權曰孤豈爲子布

有愛乎顧丞相事煩而此公性剛所言不從怨
咎將興非所以益之也乃用顧雍昭每朝見辭
氣壯厲義形於色曾以直言逆旨中不進見後
蜀使來稱蜀德美而羣臣莫拒權歎曰使張公
在坐彼不折則廢安復自誇乎明日遣中使勞
問因請見昭昭避席謝權跪止之昭坐定仰曰
昔太后相王不以老臣屬陛下而以陛下屬老
臣是以思盡臣節以報厚恩使泯沒之後有可
稱述而意慮淺短違逆盛旨自分幽淪長棄溝
壑不圖復蒙引見得奉帷幄然臣愚心所以事
國志在忠益畢命而已若乃變心易慮以偷榮
取容此臣所不能也權辭謝焉公孫淵稱藩權
遣張彌許晏往拜淵燕王昭諫曰淵背魏懼討
遠來求援非本志也若淵改圖欲自明於魏兩
使不反不亦取笑於天下乎權與相反覆昭意
彌切權不能堪案刀而怒曰吳國士人入宮則
拜孤出宮則拜君孤之敬君亦為至矣而數於
衆中折孤孤嘗恐失計昭熟視權曰臣雖知言

不用每竭愚忠者誠以太后臨崩呼老臣於床
下返詔顧命之言故在耳因涕泣橫流權擲力
與昭對泣然卒遣彌晏往昭忿言之不用稱疾
不朝權恨之士塞其門昭又於內以土封之淵
果殺彌晏權數慰謝昭昭固不起權因出過其
門呼昭昭辭疾篤權燒其門欲以恐之昭更閉
戶權使人滅火住門良久昭諸子共扶昭起權
載以還宮深自克責昭不得已然後朝會昭容
貌矜嚴有威風權常曰孤與張公言不取妄也

大ニカク小ナク

金陵新志卷二十三上

廿八

后

舉邦憚之年八十一嘉禾五年卒遺令幅巾素
棺歛以時服權素服臨弔謚曰文

昭封婁侯著春秋左氏論

語注有宅孫閻見後傳

周瑜字公瑾廬江舒人父異洛陽令瑜長壯有

姿貌初孫堅興義兵討董卓徙家於舒堅子策
與瑜同年獨相友善瑜推道南大宅舍策升堂
拜母有無通共瑜從父尚爲丹陽太守瑜往省
之會策東度到歷陽馳書報瑜將兵迎策從攻
橫江當利皆拔之乃渡擊秣陵破策融薛禮轉

下湖孰江乘進入曲阿劉繇奔走而策之衆已
數萬因謂瑜曰吾以此衆取吳會平山越已足
卿還鎮丹陽瑜還頃之袁術遣從弟胤代尚爲
太守而瑜與尚俱還壽春術欲以瑜爲將瑜觀
術終無所成求爲居巢長遂還吳是歲建安三
年也策親自迎瑜授建威中郎將與兵二千人
騎五十疋令曰周公瑾英雋異才與孤有總角
之好骨肉之分加前在丹陽發衆及船糧以濟
大事論德酬功此未足以報者也瑜時年二十

史記卷之九

金陵新志卷之二十三

廿九

后

四吳中皆呼爲周郎後領春穀長頃之策欲取
荊州以瑜爲中護軍領江夏太守從攻皖拔之
復進尋陽破劉勲討江夏還定豫章廬陵留鎮

巴丘

案孫策時未能得定江夏瑜所鎮應在江西之巴丘縣與後所卒巴丘之地不同

策薨權統事瑜將兵赴喪遂留吳與長史張昭
共掌衆事曹操破袁紹下書責權任子權召群
臣會議張昭秦松等猶豫不能決權意不欲遣
質將瑜詣母前定議瑜曰昔楚國初封於荆山
之側不滿百里之地繼嗣賢能廣土開境立基

於郢遂據荆揚至於南岸傳業延祚九百餘年
今將軍承父兄餘資兼六郡之衆兵精糧多將
士用命鑄山爲銅煮海爲鹽境內富饒人不思
亂沉舟舉帆朝發夕到士風勁勇所向無敵有
何偏迫而欲送質質一入不得不與曹氏相首
尾與相首尾則命召不得不往便見制於人也
極不過一侯印僕從十餘人車數乘馬數匹豈
與南面稱孤同哉不如勿遣徐觀其變若曹氏
能率義以正天下將軍事之未晚若圖爲暴亂
兵猶火也不戢將自焚將軍韜武抗威以待天
命何送質之有權母曰公瑾議是也公瑾與伯
符同年小一月耳我視之如子汝其兄事之遂
不送質十三年九月操入荊州劉琮舉衆降操
得其水軍船步兵數十萬將士聞之皆恐權延
見羣下問以計策議者咸欲迎之瑜曰不然操
雖託名漢相其實漢賊將軍以神武雄才杖父
兄之烈割據江東當橫行天下爲漢家除殘去
穢况操自送死而可迎之邪請爲將軍籌之今

使北上已安操無內憂能曠日持久來爭疆場
又能與我較勝負於舟楫可也今北土既未平
安馬超韓遂尚在關西爲操後患且舍鞍馬杖
舟楫與吳越爭衡本非中國所長又今盛寒馬
無藁草驅中國士衆遠涉江湖之間不習水土
必生疾病此數者用兵之患也而操皆冒行之
將軍擒操宜在今日瑜請得精兵三萬人進住
夏口保爲將軍破之權曰老賊欲廢漢自立久
矣徒忌二袁呂布劉表與孤耳今數雄已滅惟

孤尚存孤與老賊勢不兩立君言當擊甚與孤
合此天以君授孤也拔刀斫前奏案曰諸將吏
敢復有言當迎操者與此案同及會罷之夜瑜
請見曰諸人徒見操書言水步八十萬而各恐
懾不復料其虛實今以實校之彼所將中國人
不過十五六萬且軍已久疲所得表衆極七八
萬耳而尚懷狐疑夫以疲病之卒御狐疑之衆
衆數雖多甚未足畏得精兵五萬自足制之願
將軍勿慮權撫背曰公瑾卿言至此甚合孤心

子布元表諸人各顧妻子挾持私慮深失所望
獨卿與子敬與孤同耳此天以卿二人贊孤也
五萬兵難卒合已選三萬人船糧戰具俱辦卿
與子敬程公便在前發孤當續發人衆多載資
糧爲卿後援卿能辦之者誠決邂逅不如意便
還就孤孤當與孟德決之時劉備爲操所破遣
諸葛亮詣權權遂遣瑜及程普等與備并力逆
操遇於赤壁時操軍衆已有疾病初一交戰操
軍敗退引次江北瑜步將黃蓋曰今寇衆我寡
難與持久然觀操軍方連船艦首尾相接可燒
而走也乃取蒙衝鬪艦數十艘實以薪草膏油
灌其中裹以帷幕上建牙旗先書報操欺以欲
降又豫備走舸各繫大船後因引次俱前操軍
吏士皆延頸觀望指言蓋降蓋放諸船同時發
火時風盛猛延燒岸上營落頃之烟炎張天人
馬燒溺死者甚衆操軍敗走還屯南郡權拜瑜
偏將軍領南郡太守以下雋漢昌潯陽州陵爲
奉邑屯據江陵劉備以左將軍領荊州牧治公

安備詣京見權瑜上疏曰劉備以梟雄之姿而
有關羽張飛熊虎之將必非久屈為人用者愚
謂大計宜徒備置吳盛築宮室多其美女玩好
分此二人各置一方使如瑜者得挾與攻戰大
事可定也今猥割土地以資業之聚此三人俱
在疆場恐蛟龍得雲雨終非池中物也權以操
在北方當廣擊英雄又恐備難卒制故不納是
時劉璋為益州牧外有張魯寇侵瑜詣京見權
曰今曹操新折衄方憂腹心未能與將軍連兵

小三五
大三五

金陵新志卷十三上

四十三

雋

相事乞與奮威俱進取蜀得蜀而并張魯因留
奮威固守其地與馬超結援瑜還與將軍據襄
陽以躡北方可也權許之瑜還江陵為行裝

道於巴丘病卒

前所卒之處應在今之巴陵與兩
所鎮巴丘名同處異也

男一女女配太子登男循尚公主拜騎都尉有
瑜風

王導字茂弘光祿大夫覽之孫也少有風鑒識

量清遠年十四陳高士張公見而奇之曰此
兒容貌志氣將相之器也入朝為祕書郎時有

洛陽人成邊五年不反所娉妻父母更以女予他族女不欲行父母強之登車生一子終悒悒成疾以死踰年前夫歸聞其家說如此便往發墓開棺視之女還活起與前夫歸其家後夫訟於縣縣聞之府河南尹上其事詔廷臣議咸不能決導曰此非常事不得以常理斷之女宜還前夫詔是其議元帝爲琅邪王與導素相親善導知天下已亂遂傾心推奉會帝出鎮下邳請導爲安東司馬及徙鎮建康吳人不附居月餘士庶莫有至者導患之會上已觀禊帝乘肩輿具威儀導與兄敦及諸名勝皆騎從吳人紀瞻顧榮皆江南之望竊覘之相率拜於道左帝使導躬造榮等皆應命而至由是吳會風靡百姓歸心俄而洛京傾覆中州士女避亂江左者十六七導勸帝收其賢人君子與之圖事時荆揚晏安戶口殷實導爲政務在清靜朝野傾心號爲仲父帝從容謂導曰卿吾之蕭何

國旣
建以導爲丞相軍諮祭酒桓彝初過
朝廷

微弱謂周顛曰我以中州多故來此欲求全活而寡弱如此將何以濟憂懼不樂往見導極談世事還謂顛曰向見管夷吾無復憂矣于時軍旅不息學校未脩導上書請興復道教令朝之子弟入學帝從之語見學校志及帝登尊號百官陪列命導升御床共坐導固辭曰若太陽下同萬物蒼生何由仰照乃止劉隗用事導漸見踈遠任真推分澹如也王敦反劉隗勸帝悉誅王氏導率羣從昆弟子姪二十餘人每旦詣臺

待罪帝召見之導稽首謝曰逆臣賊子何世無之豈意今者近出臣族帝跣執其手曰茂弘方託百里之命於卿是何言邪乃詔曰導以大義滅親可以吾爲安東時節假之及敦得志加導守尚書令初西都覆沒四方咸勸進於帝敦憚帝賢明欲更議所立導固爭乃止及此役也敦謂導曰不從吾言幾致覆族導猶執正議敦無以奪元帝愛琅邪王裒將有奪嫡之議以問導導曰立子以長且紹又賢不宜改革帝猶疑之

導日夕陳諫故太子卒定明帝崩導復與庾亮等同受遺詔共輔幼主石勒侵阜陵加大司馬假黃鉞出討之軍次江寧帝親餞于郊俄而賊退庾亮將徵蘇峻導曰峻猜險必不奉詔且山藪藏疾宜包容之固爭不從既而難作六軍敗績導入宮侍帝峻以導德望不敢加害使以本官居己之右未幾逼乘輿幸石頭導爭之不得使叅軍袁耽潛誘峻將路永謀奉帝出奔義軍而峻衛禦甚嚴事遂不果導乃携二子隨永偕

奔白石及賊平宗廟宮室並爲灰燼溫嶠議遷都豫章三吳之豪請都會稽二論紛紜未有所適導曰建康古之金陵舊爲帝里又孫仲謀劉玄德俱言王者之宅古之帝王不以豐儉移都苟思衛文大帛之冠則無往不可若不績其麻則樂土爲虛矣且北寇遊魂伺我之隙一旦示弱竄於蠻越求之望實懼非良計今特宜鎮之以靜羣情自安由是嶠等謀並不行導有羸疾不堪朝會帝數幸其府後令輿車入殿石季龍

世正直不阿至崇文院校書改著作佐郎祕閣
校理爲呂惠卿所中放歸田里歲餘卒有文集
二子旒字元均任將作少監知滑州壽春府贈
朝議大夫旉字元龍知滑州京西路提點刑獄
元豐元年旉旉言亡父安國冤抑詔元祐旨揮
更不施行旉差監江寧府糧料院旉子樸安禮
字和甫中進士第召對神宗欲峻用之以兄當
國授崇文院校書元豐元年以端明殿學士中
大夫知江寧府遷太中大夫改資政殿學士元
祐元年移知揚州官至左丞姿貌魁偉有口辯
常以經綸自任而闊略細謹安上字純甫由太
子右贊大夫三司度支判官召對有提點刑獄
之命歷知和湖二州管勾江寧府崇禧觀卒子
旉旉旉子梳宣和七年樸梳並除直祕閣楚國
以下並葬建康今集慶湖州蕪湖及平江寶華
皆有王氏族云

李琮字獻甫江寧人慶曆中登第爲尚書屯田
員外郎江東轉運判官築惠民圩四十里於金

陵太平宣城三郡閒奏陳益法十六事會瀘南
罷兵詔充梓路轉運副使琮到官納歲費備邊
事瀘帥王光祖虐軍校相挺爲亂琮械繫告者
付獄瀘人乃安璽書賜再任轉左朝散大夫歷
知吉相潞洪州召爲太府卿時游天經議以鑿
水漬鐵爲銅可鑄錢琮上疏極言不當以僞爲
寶轉朝議大夫刑部侍郎陝西人張天經上書
詆時政琮議如律忤丞相章惇意尋以寶文閣
待制出知杭州兼浙西兵馬鈐轄移知河南府
兼西京留守又遷高陽關路安撫使知瀛州上
柱國隴西郡開國侯後贈太師封襄國公有文
集十卷子回字少愚登第試中書舍人兼校證
補完御前文籍直龍圖閣待制封隴西縣開國
男食邑三百戶校證文籍書成知東平府兼安
撫使襲殺賊楊進等三千人轉朝請太夫太子
詹事太子侍講遷御史中丞金人進兵河上除
延康殿學士簽書樞密院兼大河守禦使還知
福州奉使元帥府奉璽符冊書勸進高宗即位

安與坦之盡忠匡翼終能輯穆及溫病篤諷朝
廷加九錫使表宏具草安見輒改之歷旬不就
會溫薨錫命遂寢尋爲尚書僕射領吏部加後
將軍詔安總閱中書事時彊敵寇境邊書續至
梁益不守樊鄧陷沒安每鎮以和靖御以長筭
德政旣行文武用命不存小察弘以大綱威懷
外著人皆比之王導而謂文雅過之嘗與王羲
之登冶城悠然遐想有高世志羲之謂曰夏禹
勤王手足胼胝文王旰食日不暇給今四郊多
壘宜思自効而虛談廢務浮文妨要恐非當今
所宜安曰秦任商鞅二世而亡豈清言致患邪
是時宮室毀壞安決意繕治皆仰模玄象合體
辰極而役無勞怨又領揚州刺史詔以甲仗百
人入殿孝武帝始親萬機進安中書監驃騎將
軍錄尚書事固讓軍號頃之加司徒讓不拜復
加侍中假節都督揚豫徐兗青五州幽州之燕
國諸軍事符堅入寇諸將敗退相繼安遣弟石
及兄子玄等應機征討所在剋捷拜衛將軍開

府儀同三司封建昌縣公堅率衆號百萬次于淮淝京師震恐加安征討大都督玄入問計安夷然答曰已別有旨既而寂然玄不敢復言乃令張玄重請安遂命駕出山墅親朋畢集方與玄圍碁賭別墅游陟至夜乃還指授將帥各當其任玄等既破堅有驛書至安方對客圍碁看書既竟便攝放床上了無喜色碁如故客問之徐答云小兒輩遂已破賊既罷還內過戶限心喜甚不覺屐齒之折其矯情鎮物類如此以總

各得所任常疑劉牢之不可獨任王味之不宜
專城牢之既以亂終而味之亦以貪敗識者服
其知人安雖受朝寄然東山之志始末不渝每
形於言色造汎海之叢欲須經略粗定自江道
還東雅志未就遇疾還都聞當輿入西州門悵
然謂所親曰昔栢温在時吾常懼不全忽夢乘
温輿行十六里見一白鷄而止乘温輿者代其
位也十六里止今十六年矣白鷄主酉今太歲
在酉吾病殆不起乎乃上疏遜位薨年六十六

六十一

金陵新志卷二十三

五十一

馬

帝臨于朝堂三日贈太傅謚曰文靖葬加殊禮
依大司馬栢温故事詳見晉史

温嶠字太真司徒羨弟之子聰敏有識量博學

屬文以孝悌稱於邦族年十七州郡辟召皆不
就平北大將軍劉琨妻嶠之從母琨請爲參軍
與討石勒有功遷右司馬元帝初鎮江左琨謂
嶠曰昔班彪識劉氏之復興馬援知漢光之可
輔今晉祚雖衰天命未改吾欲立功河朔使卿
延譽江南子其行乎對曰嶠雖無管張之才而

明公有栢文之志欲建匡合之功豈敢辭命乃以爲左長史檄告華夷奉表勸進嶠旣至引見具陳琨忠誠志在效節因說社稷無主天人係望辭旨慷慨舉朝屬目帝器而嘉焉王導周顛謝鯤庾亮相彛等並與親善于時江左草創綱維未舉嶠殊以爲憂及見王導共談謹然曰江左自有管夷吾吾復何慮除散騎侍郎固讓不拜苦請北歸葬母不許遷太子中庶子太子與爲布衣交數陳規諷又獻侍臣箴時太子起西

池樓觀頗爲勞費嶠上疏以爲朝廷草創巨寇未滅宜應儉以率下務農重兵太子納焉王敦舉兵內向六軍敗績太子將自出戰嶠執鞚諫曰臣聞善戰者不怒善勝者不武如何萬乘儲副而以身輕天下太子乃止明帝卽位拜侍中轉中書令甚爲王敦所忌因請爲左司馬敦阻兵不朝多行陵縱嶠諫敦曰昔周公之相成王勞謙吐握豈好勤而惡逸哉誠由處大任者不可不爾而公自還輦轂入輔朝政闕拜覲之禮

簡人臣之儀不達聖心者莫不於邑昔帝舜服事唐堯伯禹竭身虞庭文王雖盛臣節不僞故有庇人之大德必有事君之小心俾芳烈奮乎百世休風流乎萬祀至聖遺軌所不宜忽願思舜禹文王服事之勤推公旦吐握之事則天下幸甚敦不納嶠知其終不悟於是思爲設敬綜其府事深結錢鳳爲之聲譽每曰錢世儀精神滿腹嶠素有知人之稱鳳聞而悅之深結好於嶠會丹陽尹闕嶠說敦曰京尹輦轂喉舌宜得文武兼能公宜自選其才若朝廷用人或不盡理敦然之問嶠誰可嶠曰錢鳳可用鳳亦推嶠嶠僞辭之敦不從表補丹陽尹嶠得還都乃具奏敦逆謀請先爲之備加嶠中壘將軍持節都督東安比部諸軍事敦與王導書曰大真別來幾日作如此事表誅姦臣以嶠爲首募生得嶠者當自拔其舌及王含錢鳳奄至都下嶠燒朱雀桁以挫其鋒帝怒嶠曰今宿衛寡弱徵兵未至若賊豕突危及社稷陛下何惜一橋賊果不

得渡嶠自率衆與賊夾水戰擊王含敗之復督
劉遐追錢鳳於江寧事平封建寧縣開國公賜
絹五千四百疋進號前將軍帝疾篤嶠與王導
郗鑒庾亮陸曄卞壺等同受顧命時歷陽太守
蘇峻藏匿亡命征西將軍陶侃有威名於荆楚
朝廷疑之使嶠爲上流形援咸和初代應詹爲
江州刺史持節都督平南將軍鎮武昌甚有惠
政甄異行能聞蘇峻之徵也慮必有變求還以
備不虞不聽未幾峻果反嶠屯尋陽遣督護王

愆期西陽太守鄧嶽鄱陽內史紀瞻等率舟師
赴難及京師傾覆嶠聞之號慟人有候之者悲
哭相對俄而庾亮來奔宣太后詔進嶠驃騎將
軍開府儀同三司嶠曰今日之急殄寇爲先未
効勲庸而逆受榮寵非所聞也何以示天下乎
固辭不受時亮雖奔貶嶠每推崇之分兵給亮
遣王愆期等要陶侃同赴國難侃恨不受顧命
不許嶠用其部將毛寶及從弟充之言固請侃
行侃遣督護龔登率兵詣嶠嶠於是列上尚書

陳峻罪狀有衆七千灑泣登舟未發侃復召兵還嶠與侃書曰僕與仁公並受方嶽之任安危休戚理既同之進當爲大晉之忠臣退當以慈父雪愛子之痛今出軍旣緩復召兵還人心乖離是爲敗於幾成也峻時殺侃子瞻由是侃激勵遂率所統與嶠亮同赴京師戎卒六萬旌旗七百餘里直指石城次于蔡洲侃一旦浦嶠屯沙門浦祖約據歷陽與峻爲首尾見嶠等軍盛謂其黨曰吾本一嶠能爲四公子之事今果然矣峻聞嶠將至逼大駕幸石頭時峻軍多馬南軍仗舟楫不敢輕與交鋒用將軍李根計據白石築壘以自固使庾亮守之賊步騎萬餘來攻不下而退追斬二百餘級嶠又於四望磯築壘以逼賊曰賊必爭之設伏以逸待勞是制賊之一竒也旣而義軍屢戰失利嶠軍食盡陶侃怒曰使君前云不憂無將士惟得老僕爲主今數戰皆北良將安在荊州接胡蜀二虜倉廩當備不虞若復無食僕便欲西歸更思良籌殄賊不

爲晚也嶠曰不然自古成監師克在和光武之
濟昆陽曹公之拔官渡以寡敵衆仗義故也峻
約小豎爲海內所患今日之舉決在一戰峻勇
而無謀藉驕勝之勢自謂無前今挑之戰可一
鼓而擒柰何捨垂立之功設進退之計且天子
幽逼社稷危殆四海臣子肝腦塗地嶠等與公
並受國恩是致命之日事若克濟則臣主同祚
如其不捷身雖灰滅不足以謝責於先帝今之
事勢義無旋踵若騎猛獸安可中下哉公若違

衆獨反人心必沮汙身敗事義旗將迴指於公
矣侃無以對遂留不去嶠於是創寔行廟廣設
壇場告皇天后土祖宗之靈親讀祝文聲氣激
揚涕流覆面三軍莫能仰視其日侃督水軍向
石頭亮嶠等率精勇一萬從白石入挑戰時峻
勞其將士因醉突陣馬躓爲侃將所斬峻弟逸
及子碩嬰城自固嶠乃立行臺布告天下賊將
匡術以臺城來降爲逸所攻求救江州別駕羅
洞曰今水暴長救之不便不如攻榻抗榻抗軍

若敗術圍自解嶠從之遂破賊石頭軍奮威長史滕含抱天子奔于嶠船時侃雖爲盟主而處分規略一出於嶠及賊滅拜驃騎將軍開府儀同三司散騎常侍封始安郡公邑三千戶卒年四十二江州士庶聞之莫不相顧而泣贈侍中大將軍持節都督刺史餘如故謚曰忠武祠以太牢詳見晉史

陶侃字士行本潁陽人吳平徙家廬江之潯陽廬江太守張夔召爲督郵領樅陽令察孝廉至

大三千

金陵新志卷上上

五七

洛陽張華與語異之除郎中劉弘爲荊州刺史辟亂爲南蠻長史遣討張昌破之以母憂去職服闋參東海王越軍事江州刺史華軼表侃爲揚武將軍元帝加侃奮威將軍遷龍驤將軍武昌太守王敦忌侃左遷廣州刺史在州無事朝運百甓於齋外暮運於齋內人問其故答曰吾方致力中原過爾優逸恐不堪事其勵志勤力皆此類太興初進號平南將軍都督交州軍事王敦反詔侃以本官領江州刺史尋轉督湘州

敦得志上侃復本職加散騎常侍錄前後功進
號征南大將軍開府儀同三司敦平遷都督荆
雍益梁州諸軍事領護南蠻校尉征西大將軍
荊州刺史侃性聰敏勤於吏職閫外多事千緒
萬端固有遺漏遠近書疏莫不手答筆翰如流
未嘗壅滯引接踈遠門無停客常語人曰大禹
聖者乃惜寸陰至於衆人當惜分陰豈可逸遊
荒醉生無益於時死無聞於後是白示也諸叅
佐或以談戲廢事者命取其酒器捕博之具悉
投之於江吏將則加鞭扑曰樛荻有牧牯奴戲
耳老莊浮華非先王之法言不可行也君子當
正其衣冠攝其威儀何有亂頭蓬髮自謂宏達
邪造船木屑及竹頭悉令舉掌之咸不解所以
後正會積雪始晴聽事前猶濕於是以屑布地
及栢温伐蜀又以竹頭作釘裝船其綜理微密
皆此類蘇峻作逆京都不安侃子瞻與下壺等
皆死難平南將軍温嶠要侃同赴朝廷推爲盟
主以峻殺瞻重遣書以激怒之便戎服登舟瞻

喪至不臨與溫嶠庾亮俱會石頭諸軍即欲決戰侃獨謂賊盛不可爭鋒當以歲月智計擒之嶠等累戰無功侃屯軍查浦監軍部將李根建議請立白石壘曰查浦地下又在水南唯白石峻極險固可容數千人賊來攻不便滅賊之術也侃從之夜脩曉訖賊見壘大驚賊攻大業壘侃將救之長史殷羨曰若遣救大業步戰不如峻則大事去矣但當急攻石頭峻必救之而大業自解侃又從羨言峻果棄大業而救石頭諸

軍與峻戰陣陵東督護竟陵太守李陽部將彭世斬峻於陣賊衆大潰峻弟逸復聚衆侃與諸軍斬逸於石頭初峻之反由於庾亮亮之奔也懼侃致討用溫嶠謀詣侃拜謝侃遽止之曰庾元規乃拜陶士行邪王導入石頭城令取故節侃笑曰蘇武節似不如是導有慚色使人屏之侃旋江陵尋拜侍中大尉加羽葆鼓吹改封長沙郡公邑二千戶賜絹八千疋加都督交廣寧七州軍事以江陵偏遠移鎮巴陵蘇峻將馮鐵

殺侃子奔于石勒勒以爲戍將侃告勒以故勒
召而殺之尋以討郭默詔侃都督江州領刺史
增置左右長史司馬從事中郎四人掾屬十二
人移鎮武昌疾篤上表遜位遣左長史殷羨奉
送所假節麾幢曲蓋侍中貂蟬太尉章荆江州
刺史印傳祭戟以後事付右司馬王愆期輿車
出就船明日薨于樊溪時年七十六追贈大司

馬假密章祠以太牢策謚曰栢詳見晉史

晉徵士潘

字淵明即侃曾孫嘗爲建威鎮軍參軍宋高祖
王業漸隆不復肯仕自彭澤令棄官隱廬山云

大五十四

金陵新志卷二十三

六十

曹彬字國華真定靈壽人父芸成德軍兵馬使
彬始生周歲日父母以百翫之具羅於席觀其
所取彬左手持干戈右手取俎豆斯須取一印
他無所視人皆異之旣長氣質淳厚漢乾祐中
爲成德牙將周太祖貴妃張氏彬之從母也由
是得隸世宗帳下補供奉官累遷西上閣門使
出使吳越訖事即行不受私覲遷引進使宋興
遷客省使伐蜀之役以內客省使監歸州路行
營劉光毅軍峽中郡縣悉下諸將皆欲屠城殺

降彬獨任怒而戢下所至悅服拜宣徽南院使
義成軍節度使太祖伐江南以彬將行營之師
彬分兵由荆南順流而東破峽口砦進克池州
連克當塗蕪湖二縣駐軍采石磯作浮梁跨大
江以濟師大破其軍于白鷺洲進次秦淮江南
水陸十萬陳於城下大敗之進圍金陵李煜遣
徐鉉奉表詣闕乞緩師彬亦緩攻取吳煜歸服
使人諭之曰事勢如此所惜者一城生聚若能
歸命策之上也城垂克彬忽稱疾不視事諸將
皆來問疾彬曰余之病非藥石所愈惟湏諸公
誠心自誓以克城之日不妄殺一人則自愈矣
諸將許諾共焚香爲誓明日稱疾愈遂克金陵
城中按堵李煜與其臣百餘人詣軍門請罪彬
慰安之待以客禮自出師至凱旋士衆畏服無
輕肆者及入見以榜子進稱奉敕江南幹事回
其謙恭不伐如此初彬之總師也太祖謂曰俟
克李煜當以卿爲使相副帥潘美豫以爲賀彬
曰不然是行也仗天威遵廟謨乃能成事吾何

功哉况使相極品乎美曰何謂也彬曰太原未平爾已而還朝獻俘太祖曰本除卿使相然劉繼元未下姑少待之既聞此語美竊視彬微哂太祖覺之遽詰所以美不敢隱遂以前對太祖亦大笑乃賜彬錢二十萬彬曰人生何必使相好官亦不過多積金錢耳未幾拜樞密使忠武軍節度使太宗即位加同平章事從平太原加兼侍中罷爲天平軍節度使封魯國公起爲侍中武寧軍節度使徙鎮平盧真宗即位拜同平章事樞密使咸平二年被疾真宗親視臨問手爲和藥賜白金萬兩問以後事對曰臣無事可言二子璨與瑋材器有取臣若內舉皆堪爲將真宗問以優劣對曰璨不如瑋薨年六十九贈中書令以孫女皇后恩追封濟陽郡王謚武惠與趙普配享太祖廟廷此亦有廟

呂頤浩字元直本滄州樂陵人五世祖因官家於齊州頤浩登宋紹聖元年進士第初調北京成安尉密州司戶以李清臣薦除大名府國子

監教授避親改邠州教授歷宗子博士通判延安兩浙提舉茶鹽提舉河北東路常平河北轉運判官召爲太府少卿除轉運副使陞都轉運使奉法稱職宣和四年童貫用兵燕薊徽宗命頤浩爲轉運使頤浩條奏河北燕山路危急五事忤旨罷職金國漸生釁端變詐反復邀求不已徽宗悟前日之言復頤浩官金人入燕山公與蔡靖以下文武官三百餘員皆爲金人所執與蔡靖李與權沈琯等隨行至東京城下得還

朝廷再差爲河北都轉運使力辭挈家居揚州建炎元年五月高宗即位于南京召頤浩赴行在以病辭免先致書宰執大畧謂金人詭詐不情貪婪無厭與契丹相持二十年今歲講和明年大戰前後反覆卒吞契丹今日之勢講和亦不可恃欲戰則力不逮若非遷避更無上策議者多以謂鑿輿南渡必失中原是大不然赤壁之戰魏疆吳弱然而魏武大衄者江淮之間沮洳之地又有長江之險非北人用重兵之利此

吳所以勝也戰勝則勢張豈有失中原之理哉
議者又曰金人既能渡大河豈不能渡大江是
亦不然黃河水狹霜降之後水面不過一二里
又無水戰之具北兵渡河所以不能制大江則
不然水面闊遠狹處不下七八里若於南岸豫
習水戰俟其半渡以輕舟戰艦順流而下頃刻
追及雖百萬之師可挫也且以夏人號善用兵
與我師相持每迭勝迭負我師未嘗如今日敗
衄者以涇原環慶等路皆山險之地非騎兵所
利故也自金人犯邊我師遇之不待接戰而輒
奔潰蓋平原曠野步不能抗騎故也愚謂宜遷
避者以三十年來童貫譚稹掌兵軍政盡壞賞
罰不明人無鬪志必先革此弊然後可以語戰
兼自金人連年入寇官私馬劫掠已盡步人之
勢終難抗騎霍去病傳云自後更不議伐匈奴
者以無馬故也豈可不鑒哉今防秋在近機事
甚迫梁宋間諸州環地千里城壁不固雖欲增
修已不及矣願先遷宗廟於江外大駕且駐南

京萬一有警速駕南來江淮地熱馬無稈草彼
必不能久留竢彼旣往我復北去亦未爲失計
兵法所謂彼入我出彼出我入茲誠今日備禦
之策惟速圖之不可緩也差知揚州高宗南幸
召對奏劄畧云臣竊觀天下之勢以撥亂爲急
務成敗安危繫於施設臣不敢遠引堯舜三代
昔周世宗當中國殘弊之後王朴獻策曰唐失
道而失吳蜀晉失道而失幽并觀所以失之之
由知所以平之之術在反唐晉之失而已今陛
下鑒前之失必先進賢退不肖以清其時用能
去不能以審其材恩信號令以結其心賞功罰
罪以盡其力恭儉節用以豐其材徭役以時以
阜其民治其倉廩實財用足人安將和則有必
取之勢無不成之功矣旬餘再進劄云淮南兩
路北距海南阻江土地膏腴形勢雄勝臣嘗謂
疆可以使之弱弱可以致之疆昔漢高祖與項
氏相持百戰百敗然垓下之役一戰遂成帝業
越王兵敗棲於會稽卑辭厚禮養兵蓄銳有待

而發一戰遂收霸功然則陛下駐蹕淮甸豈非天意所以資陛下興王業乎伏願聚精會神苦心嘗膽期於除禍亂致太平實萬世無疆之休也除戶部侍郎兼知揚州明年三月進戶部尚書劇賊張遇等衆數萬自上江順流而下破太平真州屯金山寺雖受招安而不卸甲四向焚劫命願浩節制諸大將往圖之願浩設砦揚子橋單騎入賊中訪得劉彥者爲遇畫謀令不卸甲令壯士猝彥庭下截其兩足釘于揚子橋柱

餘黨震恐即日卸甲納官散被虜之民三四萬人得被虜婦人五六千人奏給錢米召人識認皆不失所是年十二月改吏部尚書被旨陳備禦十策一曰收民心二曰定廟筭三曰料彼已四曰選將材五曰明斥堠六曰訓疆弩七曰分器甲八曰備水戰九曰控浮橋十曰審形勢累數萬言願浩久在西北極邊諳知虜情料金人必犯淮南屢乞先輦左藏庫物過江及獻守淮之策甚備宰執不從明年二月三日金人逼揚

州車駕倉卒南渡頤浩與禮部侍郎張浚聯馬
追及上於瓜洲僅得渡江至秀州除資政殿學
士同簽書樞密院事江淮兩浙制置使引羸兵
千人扼揚子江汭路召募潰散得四五百人就
鎮江府之北枕江下砦與金人對岸相持頤浩
日被甲乘輕舟於江中往來督責軍將官以舟
濟渡江北被虜逃歸官負士庶軍兵家小及選
募敢死之士過江遇夜燒劫虜砦又分遣兵將
沿江上下招集潰兵金人北去命頤浩兼領江
寧軍府事忽有赦書至人情洶洶頤浩之子據
時任兩浙漕屬遣人齎蠟彈報苗傅劉正彥反
叛擅廢立狀頤浩曰此不戴天之讎也即上表
請皇帝復位遣屬官奉議郎李承造往鎮江約
劉光世往平江府約張浚韓世忠張俊等同起
兵討賊官屬持不可頤浩不聽子據及家屬在
杭州苗傅令歸朝官馬柔吉監守之公亦不顧
兵至常州傅正彥差使臣齎狀具道本末云朝
廷已留知樞密院闕以待公來頤浩斬其使督

進兵行至望亭張浚自平江來見同議討賊檄書聲傳正彥廢立專殺之罪抵臨平山賊將苗翊率步騎萬餘人迎擊官軍頤浩督韓世忠血戰大破之賊皇駭率衆南遁高宗復位頤浩除宣奉大夫尚書右僕射一行官吏將佐等第推恩時建炎三年四月也尋遷左僕射與張浚密謀誅范瓊一軍帖然時金人離淮甸未久盜賊羣起李成據宿泗靳賽薛慶裴淵等寇掠通州淮楚京城隔絕山東河北諸路命令不通頤浩奏置三省樞密院賞功司應自軍興以來諸路立功將校借補等人並許繳元立功于照自陳隨宜推恩補轉官資又諸大將多乞空名告劄軍前書填與親舊伎術無功之人致名器太輕無以激勸公奏今後更不給降若實有功績之人各具名保奏從朝廷推恩廢革僥冒是年九月探報金兵南來朝議遣兵守淮分屯建康府等處控扼江上隆祐太后前期往江西頤浩奏留六宮乞駕幸淞西號令江淮大畧謂漢高

祖唐太宗之取天下未嘗一日寧居黥布作亂是時謀臣猛將固不乏人然高祖不憚親征太宗曰吾經營天下所至處買飯而食僦舍而宿今陛下便鞍馬精馳射蓋天之所授將以撥亂安忍燕颺清間坐廢白日臣侵尋老境常恐功業不成抱恨泯滅望詢近臣察其可否然後奮發獨斷施行十月金人渡江破杭州欲逼行在顧浩憂憤不知所爲遂獻航海之計帝自明州登海船趨温州會金人已回鎮江韓世忠以舟師扼江路金人不得濟公力請車駕回幸淞西下親征之詔亟以銳兵策應世忠交擊之以擒兀术時人心不樂淞西之行又中丞趙鼎謂車駕未可比去竟失機會顧浩罷相除鎮南軍節度使開府儀同三司充醴泉觀使未幾被命充江東安撫制置大使兼知池州力辭弗許仍令過闕奏事顧浩入見奏曰臣近自海道北來伏見朝廷聚集海船在明州岸下竊慮車駕欲爲避寇之備夫避寇之計固不可不預辦然備戰

之計尤不可緩望鑒去年虜騎追襲之事選兵五萬分爲兩項一屯浙西一往饒信分據水鄉或據山險邀其追襲之路使將士戮力如明州城下之戰則戰無不勝矣萬一金人今冬不渡江則於明年四五月間遣兵二萬由海道趨登州以搃青齊別遣兵二萬由淮陽軍徐州以圖濮鄆金人用兵深忌夏月我乘其忌而攻之此必勝之道且中國衰弱其勢已甚自淮以北皆非我有士大夫苟目前之安習太平時驕墮不振之氣殊無北向以爭天下恢復中原之心此臣所以感槩流涕而不能已也時大寇李成遣將馬進圍江州守臣以蠟彈告急顧浩曰江州乃池州上流江破則池不可保節度使楊惟忠有兵七千人屯饒州顧浩青惟忠同解江圍自饒州乘舟趨南康遣大將巨師古往江州城下賊設伏夾擊師古兵潰惟忠與顧浩渡江避賊具奏衆寡不敵乞濟師得王瓊軍二萬人再趨左蠡下砦會淮南崔增有兵八千人皆習水戰

頤浩令與瓊引兵與李成戰於湖口大敗之江
州守臣以糧盡棄城去賊據江州頤浩曰我爲
江東帥今不竭力禦賊則一路皆爲賊境遂置
砦左蠡江岸旬後數十戰賊失利頤浩兵益振
朝廷遣張俊由江西洪州路討賊頤浩分遣王
瓊軍會俊與賊大戰賊兵敗走成與馬進僅以
身免拜尚書左僕射頤浩初自左蠡班師回鄱
陽而巨寇張琪李捧引兵五萬人犯饒州邦人
皇駭頤浩召愛將閻臯等自畫戰圖授之臯等

方出城五里而賊鋒已至前軍張守忠失利少
却賊恃衆輕犯中軍臯力戰而崔邦弼姚端兩
軍翼擊之賊大敗走饒人安堵繪頤浩像祠于
郡中頤浩再入朝言今天下之勢先平內寇然
後可以禦外侮乞隨賊寇之大小分遣兵將官
以金字牌招安不聽命者加兵勦除諸路盜賊
畧平頤浩奏敵人今年既不渡江則諸事可以
措手願先定駐蹕之地據都會之要使號令易
通於川陝將兵順流而可下漕運不至於艱阻

然後速發大兵一往江西湖南以平羣寇一往池州至建康府處置已就招安之人明年民得專事耕桑則大江以南在我之根本立矣然後乘大暑之際命劉光世渡淮由淮陽軍入沂密以搖青鄆命張俊由河中府入絳州以撼河東乘兩路民心懷宋之時知王師有收復中原之意則中興之業可覲若不速爲之遂巡過春夏則金人他日再來不惟大江以南我之根本不可立而日後之患不可勝言矣又奏人事可爲者二天時可爲者三昨自揚州之變兵甲器械十失八九今張俊軍有衆三萬全裝甲萬餘副刀鎗弓箭皆足韓世忠衆四萬張守忠軍二萬三千王瓌有衆一萬三千雖不如張俊軍盡皆精銳亦非前日怯懦之比劉光世有衆四萬雖老弱冗散者衆亦可得精銳二萬人神武中軍揚沂中有兵萬人此外又有神武後軍陳思恭不下萬人御前中銳如崔增張守忠趙琦徐文姚端等軍亦二萬人上考太祖皇帝取天下正

兵不過十萬今日有兵十六七萬器械足用何
憚而不爲臣所謂人事可爲者一也建炎紹興
大盜縱橫鄧慶寇廣東李敦犯虔告邵清擾通
秦張琪劫徽饒李成破江瑞范汝爲據建劔馬
友李橫孔彥舟曹成張用劉超等散處江南爲
害於荆湖等路朝廷枝梧不暇今則悉已撲滅
民得安業臣所謂人事可爲者二也金人南牧
以來我師望塵奔潰莫敢嬰其鋒石近年張俊
獲捷於明州韓世忠扼賊於鎮江陳思恭邀擊
於長橋張榮大捷於淮甸良由敵人貪殘太甚
逆天悖道人有戰心天意殆將悔禍臣所謂天
時可爲者一也金人命劉豫僭位盡以中原付
之不欲南來而豫煩碎不知爲國之體雖三尺
童子知其不能立國况兵不如我精將不如我
能勝負固可料矣觀宇文虛中密奏雖未能盡
信然虜騎連年不至淮甸豈無牽制之故哉臣
所謂天時可爲者二也江浙等路連失耕殖
苦水旱米價翔湧每斛一貫至二貫今年豐熟

米斛不及五六百江上諸州米斛三四百天時
可爲者三也今韓世忠已到行在願令世忠張
俊與臣等商議決策北向明年三月令韓世忠
由宿州南京以入劉光世由徐曹諸州路以入
又於明州留海船三百隻令范温閻臯乘四月
間南風北去徑取登萊凡此數路有糧可因而
登萊尤有積蓄大兵旣集劉豫必北走所得州
郡擇逐州豪傑守之初則示以羈縻之義過則
續爲後圖雖虜人來年秋冬間必爭其地然彼
出我入此兵法也擾之數年中原必可以復賈
誼曰日中必萋操刀必割捨此機會而不乘後
欲追悔何可及耶今有兵十六七萬費用不貲
朝廷竭力經營錢糧常苦不辦曠日持久必取
於民民怨衆離乃自困之道禍亂之所起可不
畏哉又今日戰兵其精銳者皆中原之人數年
之後消磨寢少異時雖欲舉事勢必不能可爲
深惜者也上嘉納以願浩都督諸路諸軍事總
師北向至鎮江病瘡踰月遣中使召還乞解機

政以鎮南軍節度使開府儀同三司充醴泉觀使寓居台州是年冬以邊防機事奏曰豫賊不知用兵之策而金酋狃於常勝不知慮敵深入吾境此天亡之時願陛下於此沍寒虜人弓健馬壯之際且敕諸將固守江岸俟其糧盡欲退併力追襲此萬全之策金人大酋如婁宿蟾目國王幹离不皆已物故今次南來者撻辣郎君四太子臣在燕山府皆嘗聞之撻辣有謀而怯戰四太子乏謀而粗勇然四太子所統部曲比之撻辣多而精銳四太子所向尤宜隄防也上降詔獎諭數日又詔問以攻戰之利守備之宜頤浩條十事上之一論用兵之策二論彼此形勢三論舉兵之時四論分道進兵之策五論運糧供軍六論大兵進發日乞聖駕駐蹕鎮江七論經理淮甸八論機會不可失九論舟楫之利十論并謀獨斷是年十二月除荆湖南路安撫制置大使兼知潭州湖南荒歲之後羣寇竊發分討平之明年十一月除少保充兩浙西路安

撫制置大使兼知臨安府行宮留守是時車駕
在建康朝省百司庶務浩穰頤浩決事明敏而
威令嚴重豪右震懼日纔過午訟庭已寂然無
事凡民間冤抑有數十年不能雪如醫僧有謀
殺婦人者悉按置於法輦轂之下政若神明紹
興八年駕還臨安除少傅鎮南定江軍節度使
充江南東路安撫制置大使兼知建康府行宮
留守力辭依前少保鎮南軍節度使充醴泉觀
使成國公免奉朝請九年二月召赴行在所賜

札云朕以河南新復境土陝西最爲重地惟卿
舊弼元臣威望素著欲勤卿往調護諸將拊循
遺民當體朕意趣裝亟來以濟事機毋爲辭避
常禮頤浩奏曰金人殘破中原肆爲荼毒交兵
累年未見寧息今者無故割新黃河河南之地
與我豈無意哉望與執政大臣子細商量及契
勘陝西一路自割屬我朝以來諸路帥臣守臣
曾與未曾申發到文字分遣臣僚迤邐前去訪
問職位姓名傳宣撫問其鄙延環慶涇原秦鳳

熙河路帥臣仍許以久任之意庶幾不致疑貳
稍竦定疊徐爲後圖茲今日之上策也又奏陝
西利害今日所繫國體甚重若一觸事機必貽
後悔如張中孚等未見向背趙彬又係曲端門
客本一書生其人尤爲桀黠望留聖慮公力疾
造朝丞相秦檜被旨同叅政孫近李光到寓所
問疾得請扶病東歸除少傅致仕薨年六十九
贈太師追封秦國公謚忠穆子五人抗撻極搢
搗孫八人曾孫十人

南軒先生張子名栻字敬夫廣漢人丞相魏國
公浚之子也高宗南渡浚與呂頤浩平苗傅劉
正彥有大功以樞密使宣撫川陝敗於富平繼
督師江淮以用呂祉失酈瓊等軍晚歲以右相
視師江淮朝眷特重會孝宗受禪慨然有討賊
恢復中原之志命栻以右承務郎直祕閣充宣
撫都督機宜文字栻早從南嶽胡仁仲先生問
學得河南程氏論經奧旨玩索講評踐行體驗
十餘年間充實光大皆可設施見於行事而魏

公以身任天下安危許國之心皓首不渝栻在幕府溫清之餘內贊密謀外叅庶務其所綜畫老於班列者皆自以爲不及嘗以軍事入奏始得見上即進言曰陛下上念宗社之讎耻下閔中原之塗炭惕然於中而思有以振之臣謂此心之發即天理之所存也誠願益加省察而稽古親賢以自輔焉無使其或少息也則不惟今日之功可以必成而千古因循之弊亦庶乎其可革矣上異其言蓋於是始定君臣之契已而

忠獻公去位用事者遂罷兵講和金人乘其隙縱兵淮甸中外大震而廟堂猶主和議至勅諸將毋得以兵向敵時忠獻公已即世公不勝君親之念甫畢藏事即拜疏言吾與金人乃不共戴天之讎向來朝廷雖亦嘗興縞素之師然玉帛之使未嘗不行乎其間是講和之念未忘於胷中而至誠惻怛之心無以感格乎天人之際此所以事屢敗而功不成也今雖重爲羣邪所誤以蹙國召寇然亦安知非天欲以是開聖心

哉謂宜深察此理使吾曾中了然無纖芥之惑
然後明詔中外公行賞罰以快軍民之憤則人
心悅士氣充而虜不難却矣繼今以往益堅此
志誓不言和專務自強雖折不撓使此心純一
貫徹上下則遲以歲月亦何功之不成哉疏入
不報後六年以補郡臨遣見上首進明大義正
人心之說明年召還上問曰卿知虜中事乎對
曰虜中之事臣雖不知然境中之事則知之詳
矣竊見比年諸道水旱民貧日甚而國家兵弱

財匱官吏誕謾不足倚仗正使彼實可圖臣懼
我之未足以圖彼也今日但當下哀痛之詔明
復讎之義顯絕虜人不與通使然後脩德立政
用賢養民選將帥練甲兵通內脩外攘進戰退
守以爲一事且必治其實而不爲虛文則必勝
之形隱然可見雖有淺陋畏怯之人亦且奮躍
而爭先矣上嘉歎面諭當以卿爲講官時還朝
未暮歲而召對至六七公感上非常之遇知無
不言大抵皆脩身務學畏天卹民抑權倖屏讒

諛之意至論復讎之義則反復推明所以爲名實之辨者益詳於是宰相近倖益憚公合中外之力以排之而公去國矣蓋公自是退居三年更歷兩鎮雖不復得聞國論而蚤夜孜孜反身脩德愛民討軍以俟國家扶義正名之舉尤極懇至天子嘗賜手書褒其忠實將復大用之而公已病病亟且死猶手疏勸上以親君子遠小人信任防一己之偏好惡公天下之理以清四海克固丕圖若眷眷不能忘者寫畢緘付府僚

驛上之有頃而絕公爲人坦蕩明白表裏洞然詣理旣精信道又篤其樂於聞過而勇於徙義則又奮厲明決無毫髮滯吝意以至疾病垂死而口不絕吟於天理人欲之間則平日可知也常有言曰學莫先於義利之辨義也者本心之所當爲而不能自己非有所爲而爲之者也一有所爲而後爲之則皆人欲之私而非天理之所存矣嗚呼至哉言也其亦可謂廣前聖之所未發而同於性善養氣之功者歟公在建康幹

父謀國之暇嘗遊城南天禧寺竹間愛其清邃
掃室讀書名曰南軒後人因建祠焉朱文公贊
曰擴仁義之端至於可以彌六合謹善利之判
至於可以析秋豪拳拳乎其致主之切汲汲乎
其幹父之勞侘侘乎其任道之勇卓卓乎其立
心之高知之者識其春風沂水之樂不知者以
爲湖海一世之豪彼其揚休山立之姿旣與其
不可傳者死矣觀於此者尚有以卜其見伊呂
而失蕭曹也耶嘉定八年賜謚曰宣景定二年
正月從祀大成殿



